

PT 7511

.J576

1847



Class PT 7511

Book . H3

1847

SMITHSONIAN DEPOSIT











273  
979  
Presented

by the Icelandic Bibliothek  
(skiptisbóka'safn)

to

the Smithsonian Institution

Washington

D. C.

United States



# L J Ó Ð M Æ L I

eptir

**JÓNAS HALLGRÍMSSON.**

II

*upplag*  
**B. ÞJETURSSON og K. GÍSLASON**

*omd*  
hafa sjeð um prentunina.

---

**KAUPMANNAHÖFN.**

*PR*

Hjá J. D. KVISTI, bóka-prentara og nótna.

1847.



PT 7511

J576

1847

---

Um útgáfuna á kvæðum þessum er lítið að segja. Okkur þótti riða mest á að koma þeim á prent svo óbjögudum sem kostur væri á og nokkurn veginn út lítandi. Hvernig þeim væri niður raðað, þótti okkur standa á minna. Við höfum skipt þeim í tvær deildir, án fyrirsagna, og sett frumkvæðin í fremri deildina, en í hina aptari það sem hann hefur snúið, eða, rjettara að segja, kveðið eptir öðrum; því hann hefur varla snúið neinu svo, að hann hafi ekki vikið því nokkuð við um leið. Fremst í hinni fyrri deild er það, sem hann hefur ort áður enn hann kom til háskólans og einna minnst kveður að, og er því að mestu leyti skipað eptir efni; þá tekur við það sem hann hefur ort síðan: fyrst það sem prentað er áður í bókum, þá það sem prentað er á lausum blöðum, en seinast það sem ekki hefur verið prentað, og brotin öptust af því. Kvæðunum í síðari deildinni er skipað niður eptir frumhöfundum, og er þess við getið, hverju snúið sje fyrir

Þann tíma, er hann kom fyrst til Kaupmannahafnar, og svo hvað prentað sje áður. Kvæðið (á 99. bls.) eptir *Addison* hefði átt að standa í þessari deild.

Heylóarkvæði er einnig prentað í Fjölni 1847 á 21. bls., og Meyjargrátur á 19. bls.; er hann þar nokkuð öðruvísi, enn hjer, og eins og Jónas hefur haft hann í fyrstu.

Lesendurnir munu taka eptir í þeim kvæðum, sem áður hafa birzt á prenti, að einstaka orðatiltæki hefur verið breytt, svo að hjer stendur t. a. m. í kvæðinu til *Gaimard* (á 173. bls.)

ekki: hjarðir kátar með lagði síðum,

heldur: hjarðir á beit með lagði síðum;

en við vissum til, að höfundurinn var búinn að breyta þeim þannig; og víst er um það, ef hann hefði lifað og komið sjálfur á prent ljóðmælum sínum, þá mundi hann hafa lagað flestar þær misfellur, sem þar kunna að finnast.

Gefi hamingjan, að allt, sem fegurst er og hreinast í kvæðum þessum, hafi sem mest áhrif á hug og hjörtu þeirra allra, sem þau eru ætluð.

---



## REGISTUR

eptir fyrirsögnum kvæðanna.

---

	Á bls.
Aldarháttur . . . . .	163.
Alsnjóa . . . . .	195.
Alþing hið nýja . . . . .	104.
Andvöku-sálmur . . . . .	118.
Annað kvæði um alþing . . . . .	108.
Arnarfellsjökull . . . . .	240.
Augun . . . . .	222.
Á gömlu leiði . . . . .	94.
Á sjó og landi . . . . .	233.
Ásta . . . . .	116.
Á sumardags-morguninn fyrsta 1842 . . . . .	114.
Baktriski syndarinn . . . . .	10.
Bjarni Thórarensen . . . . .	123.
Borðsálmur . . . . .	181.
Bósi . . . . .	193.
Brot . . . . .	249.
Brot úr <i>Abels Død</i> . . . . .	278.

## VI

	Á bls.
Dalabóndinn í óþurrknum . . . . .	15.
Dalvísur . . . . .	136.
Drangey . . . . .	234.
Draugsvísur . . . . .	169.
Einbúinn . . . . .	245.
Ein velmeint bænaráminning . . . . .	190.
Eptir <i>Addison</i> . . . . .	99.
Eptir frú Guðrúnu Stephensen í Viðey . . . . .	28.
Eptir <i>Maren Havsteen</i> . . . . .	228.
Eptir Tómas Sæmundsson . . . . .	229.
Ferðalok . . . . .	164.
Fjallið Skjaldbreiður . . . . .	156.
Formanns-vísur . . . . .	149.
Fremri námar . . . . .	162.
Galdraveiðin . . . . .	1.
Grátitlingurinn . . . . .	110.
Grenið . . . . .	246.
Grikkur . . . . .	61.
Guðmundur kaupmaður Guðmundsson . . . . .	96.
Guðrún Stephensen sjá Eptir frú Guðr. Steph.	
Gunnarshólmi . . . . .	64.
Heimasetan sjá Illur lækur.	
Helvíti . . . . .	194.
Hestklettur . . . . .	238.

## VII

	Á bls.
Heylóar-kvæði . . . . .	53.
Hornbjarg . . . . .	234.
Hugnun . . . . .	224.
Hulduljóð . . . . .	257.
Illur lækur eða Heimasetan . . . . .	321.
Í bræfi til Kaupmannahafnar . . . . .	202.
Ísland . . . . .	50.
Íslands minni . . . . .	176.
Í spánska sjónum . . . . .	47.
Jeg bið að heilsa . . . . .	141.
Jólavísa . . . . .	220.
Jónas Tómasson . . . . .	88.
Jón Sighvatsson . . . . .	90.
Kolbeinsey . . . . .	235.
Kossavísur . . . . .	284.
Kuldi . . . . .	196.
Kveðja Íslendinga til sjera Þorgeirs Guðmundssonar	177.
Kveðja og þökk Íslendinga til Alberts Thorvaldsens	68.
Kveðja til uppsalafundarins 1843 . . . . .	101.
Kvæði eptir <i>Heine</i> . . . . .	307.
Kvæði eptir <i>Horatius</i> . . . . .	268.
Kvæði eptir <i>Schiller</i> . . . . .	287.
Kvölddrykkjan . . . . .	4.
Leiðarljóð til Jóns Sigurðssonar alþingismanns . .	185.

# VIII

	A bls.
Lítill leikur . . . . .	203.
Lofsöngur . . . . .	276.
Læknirinn . . . . .	14.
Magnúsarkviða . . . . .	79.
<i>Maren Havsteen sjá Eptir Maren Havsteen.</i>	
Marsvínareksturinn . . . . .	15.
Málsvörn . . . . .	192.
Máney . . . . .	236.
Meyjan mín hin væna . . . . .	46.
Minningarblað til N. K. . . . .	32.
Móðurmissir . . . . .	223.
Möðruvalla steinhús . . . . .	18.
Náttúrulögmálið . . . . .	17.
Nótt og morgun . . . . .	22.
Nýhenda . . . . .	191.
Óhræsið . . . . .	142.
Ólafsvíkurenni . . . . .	233.
Rimna-erindi . . . . .	191.
Rjettarvatn . . . . .	240.
Saknaðarljóð . . . . .	55.
Sjera Bessi . . . . .	192.
Sjera Stefán Pálsson . . . . .	129.
Sjera Þorsteinn Helgason . . . . .	126.
Skipkoma . . . . .	16.

## IX

	Á bls.
Skraddarapankar . . . . .	7.
Skrúðurinn . . . . .	237.
Skrælingjagrátur . . . . .	188.
Sláttuvísur . . . . .	139.
Sníkjur . . . . .	3.
Sogið . . . . .	239.
Sólhvörf . . . . .	220.
Sólsetursljóð . . . . .	208.
Sparnaður . . . . .	207.
Staka . . . . .	3.
Stökur . . . . .	221.
Suðursveit . . . . .	237.
Sumardags-morguninn fyrsta 1828 . . . . .	20.
Sæunn hafkona . . . . .	132.
Söknuður . . . . .	120.
Til G. Thórarensens . . . . .	226.
Til konu, sem misst hafði barn sitt . . . . .	26.
Til <i>R. Keyser</i> . . . . .	31.
Til vinar síns . . . . .	34.
Tómasarhagi . . . . .	241.
Tómas Sæmundsson sjá Eptir Tómas Sæmundsson.	
Um hana systur mína . . . . .	168.
Undir annars nafni . . . . .	24.
Úr <i>Aladdin</i> . . . . .	280.
Úr brjefi . . . . .	204.

# X

	Á bls.
Úr kvæðum Ossíans . . . . .	273.
Úr salthólmsferð . . . . .	200.
Valdi . . . . .	201.
Veðurvísur . . . . .	197.
Veizlukvæði til <i>Gaimard</i> . . . . .	173.
Vestmannaeyjar . . . . .	243.
Vesturför . . . . .	205.
Við sólsetur, til vinar síns . . . . .	33.
Vindvísar . . . . .	17.
Vísur Íslendinga sungnar í Hjartakershúsum 1835	170.
Víti . . . . .	161.
Vorkvæði . . . . .	216.
Vorvísur . . . . .	215.
Þorkell þunni . . . . .	145.

## REGISTUR

eptir upphöfum kvæðanna.

---

	Á bls.
Að utan og sunnan og austan eg spyr . . . . .	205.
Augun raunar eru þín . . . . .	222.
Austast fyrir öllu landi. . . . .	237.
Ár var alda . . . . .	34.
Ástarstjörnu . . . . .	164.
Ástkæra, ylhýra málið . . . . .	116.
Bar mig á brenndum auri . . . . .	161.
Báglega tókst með alþing enn . . . . .	188.
Berst mjer þá hjarta . . . . .	313.
Bessi á sjer berhross . . . . .	192.
Bíum, bíum . . . . .	280.
Bláa vegu . . . . .	28.
Bósi! geltu, Bósi minn! . . . . .	193.
Bræður munu berjast . . . . .	101.
Bræðurnir sigldu báðir . . . . .	235.
Byr um grád þig beri . . . . .	185.
Dáinn, horfinn — harmafregn! . . . . .	229.
Drottinn gaf og hann drottinn tók . . . . .	108.

	Á bls.
Dunar í trjálundi, dimm þjóta ský . . . . .	300.
Dýrðlegt er að sjá . . . . .	90.
Dönum verður hjer allt að ís . . . . .	196.
Efst á Arnarvatnshæðum . . . . .	240.
Eg er kominn upp á það . . . . .	207.
Eg er sá geisli . . . . .	302.
Eilífur guð mig ali . . . . .	220.
Eilífur snjór í augu mín . . . . .	195.
Ein er upp til fjalla . . . . .	142.
Ein situr úti . . . . .	73.
Enginn grætur Íslending . . . . .	221.
Er hann að syngja enn sem fyr . . . . .	191.
Fanna skautar faldi háum . . . . .	156.
Fegin í fangi mínu . . . . .	312.
Feikna þvaður fram hann bar . . . . .	192.
Fellur vel á velli . . . . .	139.
Ferðbúinn þegar fjallatinda . . . . .	202.
Festingin víða, hrein og há . . . . .	99.
Fíflbrekka! gróin grund! . . . . .	136.
Flýttu . . . . .	20.
Friðar biðjum Þorkeli þunna . . . . .	145.
Fundanna skært í ljós burt leið . . . . .	94.
Fýkur yfir hæðir og frostkaldan mel . . . . .	61.
Ganga gullfætt . . . . .	308.
Gelur nu gleði . . . . .	4.



# XIII

	Á bls.
Hafaldan háa! . . . . .	149.
Heygður var eg í haugi . . . . .	169.
Heyri eg að kirkju . . . . .	287.
Hingað gekk hetjan unga . . . . .	163.
Hispursmey stóð við ströndu . . . . .	314.
Hjerna er ótækt heima að sníkja . . . . .	3.
Hjer sje friður! með heilsu þín . . . . .	14.
Hlegið var og sungið . . . . .	318.
Horfin er enn . . . . .	88.
Hóglega, hæglega . . . . .	208.
Hóla bítur hörku bál . . . . .	197.
Hvað er svo glatt, sem góðra vina fundur . . . . .	170.
Hvað mun það undra . . . . .	1.
Hvarmaskúrir harmurinn sári . . . . .	126.
Hver er hinn ungi . . . . .	270.
Hvert ertu hniginn . . . . .	273.
Hví grátið þjer . . . . .	26.
Hví með sárum þú . . . . .	268.
Hví skyldi jeg ei vakna við . . . . .	250.
Hví svo þrúðgu þú . . . . .	15.
Hvítur í lopti ljúfu . . . . .	310.
Hví und úfnum . . . . .	24.
Hví viltu andsvala . . . . .	47.
Hæð veit eg standa . . . . .	10.
Hættu að gráta, hringaná! . . . . .	203.
Hörðum höndum . . . . .	104.

# XIV

	Á bls.
höfum norður . . . . .	68.
Ísland! farsælda-frón . . . . .	50.
Jeg veit það eitt, að enginn átti . . . . .	253.
Jeg uni mjer ekki út í Máney . . . . .	236.
Jólum mínum uni eg enn . . . . .	220.
Komið er að dyrum . . . . .	246.
Lán, er vilt ei láta mjer . . . . .	317.
Leiði minnar móður . . . . .	223.
Leiður er mjer sjávar sorti . . . . .	96.
Líti eg um loptin blá . . . . .	276.
Ljós er alls upphaf . . . . .	251.
Ljúfi! gef mjer lítinn koss . . . . .	284.
Man eg þig, mey! . . . . .	120.
Má-at hinn megin- . . . . .	17.
Márinn, hann vita vildi, hvað . . . . .	311.
Meðan Hestklettur heldur . . . . .	238.
Missum ei það mikla happ . . . . .	15.
Mín er meyjan væna . . . . .	46.
Mjer finnst það vera fólsku gys . . . . .	194.
Móðir og faðir . . . . .	129.
Nautgæfa fóðurgrasið grær . . . . .	224.
Nú andar suðrið sæla vindum þíðum . . . . .	141.
Nú er vetur úr bæ . . . . .	177.
Nú fór illa, móðir mín! . . . . .	321.

# XV

Á bls.

Ómur alfagur . . . . .	320.
Ó þú jörð, sem er . . . . .	254.
Reið eg yfir bárubreið . . . . .	162.
Riðum við fram um flæði . . . . .	233.
Röðull brosti, rann að næturhvílu . . . . .	22.
Sá eg í Hárskógi . . . . .	200.
Sáu þið hana systur mína . . . . .	168.
Sem þá á vori sunna hlý . . . . .	228.
Sjerattu Snæfells . . . . .	32.
Sjer ei skáldið skip á öldu . . . . .	16.
Skáld er eg ei, en huldukonan kallar . . . . .	257.
Skein yfir landi sól á sumarvegi . . . . .	64.
Skjambi meður skolla-nef . . . . .	3.
Skjótt hefur sól brugðið sumri . . . . .	123.
Snemma lóan litla í . . . . .	53.
Sól ris sæl . . . . .	315.
Stóð eg úti í tunglsljósi, stóð eg út við skóg . . . . .	307.
Suður fór eg um ver . . . . .	255.
Suðursveit er þó betri . . . . .	237.
Svei þjer, andvakan arga! . . . . .	118.
Svo ris um aldir árið hvert um sig . . . . .	249.
Tinda fjalla . . . . .	216.
Tindrar úr Tungnajökli . . . . .	241.
Tíbra frá Tindastóli . . . . .	234.
Ungur var jeg, og ungir . . . . .	110.

# XVI

	Á bls.
Uppi stóð Kain . . . . .	278.
Upp undir Arnarfelli . . . . .	240.
Úti sat und hvítum . . . . .	79.
Valdi! virztu nú halda . . . . .	201.
Veit eg út í Vesmannaeyjum . . . . .	243.
Við skulum sól . . . . .	33.
Við Sogið sat eg í vindi . . . . .	239.
Vík hjer að, vinur! . . . . .	18.
Vona eg dúna dreka lín . . . . .	191.
Vorið góða, grænt og hlýtt . . . . .	215.
Yfir dal, yfir sund . . . . .	245.
Ykkur að borga ber . . . . .	204.
Yzt á Hornströndum heitir . . . . .	234.
Það er svo margt, ef að er gáð . . . . .	181.
Þar sem háir hólar . . . . .	254.
Þá saztu úti undir húsagarði . . . . .	226.
Þá var eg ungur . . . . .	55.
Þegar þú kemur þar í sveit . . . . .	190.
Þegi þú, vindur! . . . . .	17.
Þið þekkið fold með blíðri brá . . . . .	176.
Þokan yfir vík og vogi . . . . .	132.
Þó landa hringur bylgjum blám . . . . .	31.
Þú sem daglega líða leið . . . . .	7.
Þú stóðst á tindi Heklu hám . . . . .	173.
Þökk sje þjer, guð! fyrir þenna blund . . . . .	114.



---

## GALDRAVEIÐIN.

---

**H**vað mun það undra,  
er eg úti sje —  
þrúðgan þrætu draug  
um þveran dal  
skyndilega  
skýi ríða? \*

Svartir eru möskvar,  
sígur með hálsi fram  
slunginn þrætu þinur:  
sje eg á duffi  
dökkum stöfum  
E. T. illa merkt.

---

\*) Þetta erindi er öðruvísi, enn hin, að bragarhætti, og sama kemur víðar fram, einkanl. í hinum eldri kvæðum Jónasar.

Ertu , afi !  
endurborinn  
og ferðu kvikur að kynngi?  
Illar stjórnur  
veit eg yfir þig  
ganga grimmlega úr ginu.

Hættu ! hættu !  
áður að hálsi þjer  
sjálfum verði snara snúin;  
því sá varð fanginn ,  
er und fossi hljóp ,  
lax hinn lævísi.

---

## SNÍKJUR \*.

---

Hjerna er ótækt heima að sníkja,  
helzt mun því ráð á Nesið víkja,  
þar er svo mikill maturinn.  
Komist jeg það með kröptum slökum  
af kúru \*\*, sulti og nætur-vökum,  
jég skal heita á þig, magi minn !

---

## STAKA.

---

Skjambi meður skolla-nef.  
skrítilegi frændi minn !  
hefðirðu líka róu af ref,  
Robbur keypti belginn þinn.

---



---

\*) Í kvæðakveri Jónasar er þessi vísa kölluð *Snyltegjesten*.

\*\*) dregið af latínska orðinu *cura*, og er nokkurs konar hújóðs-yrði, sem haft er í skóla um mikiun lestur.

## KVÖLDDRYKKJAN.

Gelur nú gleði  
 við glasmunna;  
 dunar fjöl  
 und fæti gljáum;  
 gengur roka,  
 með rokna blæstri,  
 níðings nösum frá.

Brettar eru brýr,  
 bendist ofur mjög  
 kátur kúluvambi;  
 rymur rámur háls  
 af rembilæti —  
 það er kaupmanns kunn.

Strax er stafs vant,  
 er af stað færist,  
 fara hendur í hlaði;  
 enni það, er áðan  
 að ölbollum  
 laut, er leirugt allt.



Mælir þá munnur,  
 þótt mál þvæli:  
 “Veit eg vínkaup  
 verst í heimi.  
 Gjalds er vant  
 við gleði vora,  
 skal það bændum  
 af baki flegið.

Entu ekki orð þín  
 nje ummæli:  
 það er gömul  
 gróða-regla;  
 sú er og önnur,  
 þótt örðug sje.  
 steldu ekki svo  
 að stóru nemi.

Sefur samvizka,  
 svæfði eg hana  
 svo hún aldregi  
 um aldur vakni

sá var ormur  
 óduglegum  
 vörusölum  
 verst um gefinn.”

Baulaði þá,  
 brá upp grönum,  
 þjór þverhöfði,  
 er á þambi stóð,  
 um fætur hins  
 að foldu hrotinn.

“Orm þann! orm þann,  
 óduglegum  
 vörusölum  
 verst um gefinn,  
 samvizku, seldi eg  
 við silfri fyr;  
 henni varð ekki  
 varið betur.”

---

## SKRADDARAÞANKAR.

UM KAUPMANNINN.

Þú sem daglega líða leið  
lífs fram að enda sjer,  
náungann svíkur samt, um skeið  
sama gleyminn að fer;

! : þinn spillti þanki er :!  
þreföldum gróða-fjötur-svefni bundinn.

Í ljettu rúmi liggur þjer,  
þótt líðir sálar tjón;  
ágirnd síkin, sem brjóst þitt ber,  
blindar svo hjartans sjón,

: : magnaði mammons þjón! : :  
munaðarlausu ekkjuna sem grætir.

Vertu ekki að hrúga í vettling þian,  
hann verður fullur senn;  
þarna vantar í þumalinn,  
því hljóta að borga enn

: : skapþungir skilamenn : :  
skuldina löggu á svikatöflu þinni.

Fátæktar tár á frómri kinn  
 feginn þú renna sjer,  
 af hrekkjum þínum hálf-grobbinn  
 hlærðu, sem von til er;  
 en :|: óbænum árnar þjer :|:  
 auminginn svikni sárt og hyski þínu.

En hvergi hjer um hirðir þú,  
 huggun þín gjaldið er;  
 þitt öfundaða aura bú  
 aldrei samt gleði ljer,  
 :|: en þótt um eyrun þver :|:  
 á þjer rangfengna dalahrúgan gjalli.

Værir þú skynlaus, grimmur ger,  
 getinn á villustig  
 og allt sem fyrir augun ber  
 eyðimörk skuggalig,  
 :|: enginn áteldi þig :|:  
 sem öngvan þekktir guð og boðorðslausan.

Hitt er undur, hve upp vex nú  
 illgresi á kristnri grund,  
 frómlynda bændur flettir þú  
 fje sínu hverja stund;  
 ∴ klækin er kaupmanns lund ∴  
 kæta hana andvörp föðurleysingjanna.

Drottinn bauð — eitt sinn dynja fer  
 dóms-lúður skýjum í:  
 hve mun þá dyggð þín hrósa sjer?  
 hvort muntu sleppa frí?  
 ∴ magnausa moldar þý! ∴  
 muntu þá gulli guðdóms-veldið sigra?

---

# BAKTRISKI SYNDARINN.

---

Hæð veit eg standa,  
það var herborg áður  
fleiri enn fimm daga;  
þar eg feiknstafi  
flesta leit,  
svalri Sefströnd á.

Harðan helgaldur  
þá er um haf kominn  
vindur á vogi blæs,  
brimskafi bláfaldinn  
buldri þungu  
grenjar að grunnsteinum.

Eitt var það undra,  
er eg þar eyrum nam,  
er næddi næturkul:  
ungbarns ópi  
sem þess er ófætt dó  
þótti mjer hvert strá stynja.

Hví svo þrungin þú  
 þungu drepur  
 höfði moldu mót?  
 hví þú hin hárfagra,  
 hrellum lík,  
 sóley sólu flýr?

Hvort þá svo harðráð  
 og heiptarfull  
 býr í brjósti lund  
 Hræsvelg hrímþussa,  
 er í hvirfilbyl  
 fer um foldar jaðar?

Var það ei ærið,  
 er þú áður felldir  
 sólu borið blóm,  
 þótt ei saklausu  
 síðan hiugað að  
 feyktir þess frækorni?

Illska, andstyggð  
 og óþoli,  
 örgust eiturjurt,  
 grær hjer í grasi,  
 unz guðs veður  
 fellir þau fullvaxta.

Syrgir nú einmana  
 hið unga blóm,  
 runnið í reit lasta;  
 hörðum huga  
 hatar sól og vind  
 fyrir tilveru tíma.

En Bergur þú,  
 sem und hjargstórum  
 synda þunga þreyr:  
 höfði hnarreistu —  
 svo er hjartað blint —  
 apast að óheillum.



Saklaus blóm,  
þau er ei synd þekktu,  
felast fyrir þjer,  
þars þú glaður  
þeim er gabbað fjekkt  
mætir að munaði.

Ómar mjer í eyrum  
þitt eynda kveir,  
er hörðum heldróma  
sveiptur sárlega  
um seinan vaknar  
fyrir nágrindur neðan.

Illar nöðrur,  
þær er æ vaka,  
sárt á sálu bíta;  
þannig vaknar  
sá er í villu svaf;  
æ koma mein eftir munað.

---

## LÆKNIRINN.

“Hjer sje friður! með heilsu þín  
hvernig gengur?” . . . „O jeg held ver —  
höfuðverkur og hósta-þín  
hafa svo dregið krapt úr mjer.“

“O jæja — og það er heldur hart,  
hvernig útreið að Tyrkinn fær;  
það er mannhatur mestan part —  
mikið er Rússans grimmd frábær!”

„Svo get eg ekki sofið vel,  
svíður brjóstið, ef hræra skal.“

“Ja so? — og víst mun Emanúel  
ofan á verða í Portúgal.”

## DALABÓNDINN Í ÓÞURRKNUM.

---

Hví svo þrúðgu þú  
þokuhlassi,  
súldar norn!  
um sveitir ekur?  
þjer mun eg offra,  
til árbóta,  
kú og konu  
og kristindómi.

---

## MARSVÍNAREKSTURINN.

---

“Missum ei það mikla happ;  
maginn kann þess gjalda!”  
Heldur var í köllum kapp,  
þeir köstuðu grjóti — ekkert slapp;  
samt mun Hallur hlutnum sínum valda.

---

## SKIPKOMA 1830 \*.

“Sjer ei skáldið skip á öldu  
 skautum búið að landi snúa?  
 er ei þys við þorska kasir?  
 þóttast ekki búðardróttir?”  
 „Harður byr að hafna vörum  
 húna rekur jóinn lúna;  
 glatt er lið á götustjettum,  
 glápa sperrtir búðarslápar.“

---

\*) Athugasemd skáldsins: Við Lárus biðum skipkoma og leiddist eftir brjefum vina okkar í Höfn. Sumardagsmorguninn fyrsta var jeg snemma á fótum og sá kaupfar á uppsiglingu. Þegar jeg kom heim, spurði L., hvort “skáldið” hefði ekki sjeð skip?

## VINDVÍSA\*.

Þegi þú, vindur!  
 þú kunnir aldregi  
 hóf á hvers manns lag;  
 langar eru nætur,  
 er þú hinn leiðsvali  
 þýtur í þakstráum.

## NÁTTÚRULÖGMÁLID\*\*.

Má-at hinn megin-  
 máttki guð  
 vindi valda,  
 þeim er fer vog yfir;  
 nje hann um varnað fær  
 vetrar stundum,  
 þeim er í árdaga  
 áður skóp.

\*) Fyrirsögn Jónasar: *In aquilonem nocturnum.*

\*\*) Jónas hefur sjálfur kallað þessa vísu *Physica necessitas* og vísað til *Plut. Caes.* 37.

## MÖÐRUVALLA STEINHÚS.

Vík hjer að vinur,  
sem á vegi fer,  
og hygg á haglegt smíði;  
þannig verður góðum  
góðu bætt  
vel umborið böl.

Gleymdar eru rústir,  
er ruku fyr —  
öllum sorgleg sjón —  
þars við fjallbrún  
hið fagurgjörva  
mænir mannvirki.

Stattu steinhús  
stólpa heilli!  
þökk sje þeim, er vel að vinnur!  
stattu vel steinhús  
og standi vel  
gæfa þíns góða herra!

Hver er sjón,  
er eg sjá þykjumst?  
mun ei engill  
ofan farinn  
grandi burt  
frá garði snúa?

---

## SUMARDAGS-MORGUNINN FYRSTA 1828.

Í RÚMI MÍNU.

Flýttu

fjalla yfir brún

dagur þjer, það er ei þörf á Kamsjatka bíða!

lengur

ligg eg ei á dún,

en læt nú strax fara að hringja til tíða.

Þá skalt

þú ei sjá, hvað er

heiðarleg hátíð sem halda ætla jeg mína;

það er

æði asi á mjer,

eg vil fljótt hafa messuna búna.

∴ Veizlu síðan vind eg að,

vertu kominn hjer um það;

súpa

virðist vera mál

vetrar umliðins burtfararskál. ∴



## SUMARDAGURINN.

Hygg að:

haf þú kyrrt um þig,

senn kem eg, sumarið sendur ykkur að boða;

hátt á

himinfólgnuð stig

hleyp eg skríddur í morgunsins roða.

Hulinn —

það er himins ráð —

bind eg á baki þjer bagga örlaga þungan:

gata

grjóti nokkru stráð

gerir fótviðsan vegfara ungan.

Halt því kvíðlaus áfram enn!

opt er jarðnesk gæfa tvenn:

saklaust

sefur auga í værð,

syrgir andvaka á gullbeði flærð.

Halt því kvíðlaus áfram enn!

Ójá dagur! komdu senn!

súpa

virðist vera mál

vinar tryggvasta hamingjuskál.

## NÓTT OG MORGUN.

Röðull brosti, rann að nætur hvílu  
 Ránar til og fögrum sjónum brá  
 undan ljettri utanbakka skýlu,  
 aldan beið þar guðinn studdist á;  
 horfðu tindar himinljósi viður,  
 helgur roði um snjófgar kinnar flaug,  
 Íslands verndar engill farinn niður  
 Ingólfs hjartur stóð á gleymdum haug.

Hreifðist land af helgum snortið fótum,  
 hnje þá sól um öldugarðsins bak,  
 stormkast undan Snæfells köldu rótum  
 stólpaský að vesturáttu rak.

Ljós var horfið, hrikti í dægurgrindum,  
 hrímköld nótt um stjörnuhvolfið ók:  
 “byrg oss! fel oss!” brast í jökultindum,  
 “byrg oss! fel oss!” ströndin endurtók.

Allt var kyrrt; frá utanfjarðar grunni  
 einstök vakin bára stundum hvein:

rödd er heyrð í rökkur-hálfdimmunni,  
 rödd sem hrærði klakabundinn stein;  
 hún kvað margt um horfinn þjóðar-anda,  
 hreystibrest og kveifarlíf og neyð,  
 hræddist Ísland, heyrði búinn vanda,  
 harma-stöfum barna sinna kveið.

Rann þá dagur, reis af austurstraumum  
 röðulskin, og norðar held'r enn fyr;  
 ljör kom nýtt í fætur máttarnaumum,  
 fýstist enginn lengur sitja kyr.  
 Hver er gnýr sem gegnum loptið hleypur  
 (Garðars eyjar losna festarbönd):  
 "Förum nú og fyrir norðan Greipur  
 felumst undir Grænlands jökulströnd."

---

## UNDIR ANNARS NAFNI.

---

Hví und úfnúm  
öldubakka  
sjónir indælar  
seinkar þú að fela.  
blíða ljós!  
að bylgju skauti  
hnigið hæðum frá?

Hve máttu augum  
eymda fjöld  
láðbyggja líta?  
margir eru menn,  
þó er mæða fleiri  
hvers í brjósti byrgð.

En þú brosir  
og burtu snýr  
nýt á niðurvegu,  
sól sorglausa!

sofnir eru laukar,  
þeirs lifðu ljós þitt við.

Austur sje eg fljúga  
að Esju tind  
hrafn af hússmæni,  
þar er gráföl ský,  
golu rekin,  
hefjast himni mót.

Bíddu austankul!  
andvörp mín  
máttu ei of bylgju bera  
til hinnar ungu,  
athvarfslausu,  
sem mitt hjarta hlaut.

Hví svo, hugar-steinn!  
hulins kvíða  
svella sútir þjer?  
máttkan engil  
sá hinn mikli faðir  
veikum að vörn ljæði.

TIL KONU, SEM MISST HAFÐI BARN  
SITT \*.

---

Hví grátíð þjer  
þanns í gróf hvílir  
ungan elsku-son?  
örðug ganga  
var optar geymd  
mörgum mæðu dögum.

Helgur engill  
hjarta saklausu  
í yðar faðmi felst;  
sá mun trúfastur,  
unz tími þrýtur,  
lítill verndar vinur.

Tár þau trúlega,  
er tryggð vakti,

---

\*) Í kvæðakveri Jónasar stendur þessi latínenska fyrirögn: *Ad matrem orbatam.*

söfnuð sjóði í  
 góðverka yðar  
 fyrir guð flytur,  
 sem elskar einlægt brjóst.

Þær munu skærstar —  
 er þjer skýi borin  
 líðið til ljóss sala —  
 fagurt skart  
 yðar friðarklæðis,  
 gljáperlur glóa.

---

# EPTIR FRÚ GUÐRÚNU STEPHENSEN Í VIÐEY \*.

---

Bláa vegu  
brosfögur sól  
gengur glöðu skini;  
sjerattu söknuð  
og sorga fjöld  
þeirra er á landi lifa?

Gróa grös  
við geisla þína  
liðinna leiðum á:  
en þú brosir  
og burtu snýr;  
kvöldgustar kula.

Svo frá heimi  
til himinsala

---

\*) Áður prentað í Ljóðmælum M. Stephensen, Viðey 1842,  
á 132. bls.



frelstar sálir fara;  
 sýta syrgendur  
 sóllausa daga  
 angur-gusti í.

Hver er hinn grátni,  
 sem að grafar beði  
 beygðu höfði bíður?  
 elskað lík  
 undir köldum leir  
 hvílir feti framar.

Styðst harmþrunginn  
 höfðingi,  
 Stephensen, að steini;  
 frú framliðna,  
 föðurlands prýði,  
 syrgir svo mælandi:

“Sáran ljet guð mig  
 söknuð reyna!  
 verði hans vísdóms  
 vilji á mjer

sýrtir í heimi,  
sorg býr á jörðu,  
ljós á himni,  
lífir þar mín von.

Hvar skal eg ljettis  
í heimi leita?  
hvar skal eg trega  
tár of fella?  
Bíða vil eg glaður,  
unz brotnar fjötur  
líkams, og laus  
líð eg eptir þjer.”

Ó þú máttur  
og mikla von,  
er þá öflugur styður!  
hjörtun hefjast,  
er hetju sjá  
standa eina í stríði.

---

## TIL R. KEYSER \*.

Þó landa hringur bylgjum blám  
 ey vora í faðmi feli víðum,  
 en fjærri þú hjá vinum blíðum  
 á móðurjarðar kætist knjám.  
 mundu þá samt, að eitt það er  
 ígildi snoturt fegri rósa  
 "Gleymdu mjer ei", sem grær eins hjer  
 á grundu kaldri norðurljósa.

---

\*) sem nú er háskólakennari í *Christiania* í Norvegi. Jónas hefur sjálfur ritað í kvæðakver sitt, að þessi vísa sje mælt af munni fram þegar þeir fundu fyrst útsprungin kattaraugu vorið 1827. Þessi jurt heitir á dönsku *Forglemmigei*, og þaðan er tekið, hjer í vísunni, að kalla hana Gleymdu mjer ei.

---

## MINNINGARBLAÐ TIL N. K.

---

Sjerattu Snæfells  
snjófga tind,  
sólu roðinn,  
sveiptan þoku,  
stjörnu skininn,  
á strönd bíða?

Fyr man hinn ljósi  
af landtöngum  
fjallafoldar  
fósturjarðar  
vörður víkja,  
enn eg, vinur! þjer  
hjarta-fólgnum  
úr hug sleppi.

---

## VIÐ SÓLSETUR, TIL VINAR SÍNS \*.

---

Við skulum sól  
 sömu báðir  
 hinsta sinni  
 við haf líta:  
 ljett mun þá leið  
 þeim er ljósi móti,  
 vini studdur,  
 af veröld flýr.

---

\*; Í kvæðakveri Jónasar er þessi fyrirsögn: *Occidente sole.  
 ad amicum*, og þetta skrifað fyrir neðan vísuna:

*Ille dies utramque  
 ducet ruinam.*

*Hor.*

---

## TIL VINAR SÍNS\*.

Ár var alda,  
 þá er endurborin  
 fold hin fjallsetta  
 í fyrsta sinni  
 veltast tók veli  
 um vegu ókunna,  
 að orði alvalds,  
 sem allt um skóp.

Sveipuð saman  
 hin svása nótt  
 í ægi falst,  
 þá er álfröðull  
 hóglega hófst  
 um heiðar brún  
 hlógu hliðar  
 við himinljósi.

---

\*) Fyrirsögn Jónasar: *Ad amicum.*

Þá var gaman,  
 er um grænan dal  
 fjellu fagrar ár  
 fiskum kvikar,  
 en íturfagur  
 í eyrarbót  
 söng svanaflokkur  
 sætum rómi.

Unað óþekktum  
 og undrun fylltur  
 maður hinn fyrsti  
 und meiði hámm  
 einn saman stóð,  
 augum leiddi  
 nýja náttúru  
 og nöfnum hjet.

Aldin, akur  
 íturbleikur,  
 fögur eik  
 og fugl kvakandi,

fallandi foss  
 og fjallbuna,  
 hestur, naut  
 og heiðar dýr,  
 hlutu hvert um sig  
 heiti þaðan.

Einn saman maður,  
 öngum þekktur,  
 unaðs óskipts,  
 er yfir bjó,  
 nauðugur naut,  
 og naut að eins  
 helmings eins,  
 þar er allan hafði.

Fyrir því fór  
 fjalli gnæfanda  
 hug sinn telja,  
 en háðskur mót  
 ómur orðvani  
 eyra hrærði,



það var bergmál  
frá blám tind.

Þá sá alfaðir,  
sem öllu stýrir,  
grát í auga  
hins einmana,  
og af forsælu  
fram kallaði  
brosfagra brúði;  
þá varð brjósti ljett.

Eyddust aldir,  
ár um hurfu,  
fjölguðu þá  
og færðust út  
mennskir megir  
und miðgarði,  
frændur fjarlægir  
að fullu gleymdust.

Þá sá alfaðir,  
að ónóg var  
brúðar ást  
eða blóðskylda  
þungar raunir  
þjáðra manna  
allar að ljetta  
und oki lífs.

Elskan eilífa,  
allt sjáandi,  
miskunar hrærðist  
yfir mannsins neyð;  
sá var einn,  
að hún ofan sendi,  
helgur engill —  
það var hulið ráð.

Vindur þagði,  
vötn stöðvuðu  
heljandi straum:  
frá blásölum himins

ský skinfagurt  
 skærum loga  
 leið yfir lopt  
 und ljósri mynd.

Það var vinátta,  
 sem á vængjum friðar;  
 hnje frá himni  
 í helgum blæ;  
 fagnaði fold,  
 fylltust gleði  
 efri lopt  
 og undirdjúp;  
 sá var fyrstur nefndur  
 sumardagur.

Hreinlynd hjörtu  
 og hugarprúð  
 ást einlægri  
 æðri kynja  
 ylnuðu þá,  
 er um aldir síðan

vóx, við hjelzt;  
þaðan er vinur um kominn.

Heim sje eg hverfa  
á himinásun;  
rennur sumar-  
sól hin fyrsta,  
umgenginna  
sem alda mjer  
minning vekur  
og margs sem áður  
brá minni blíðu  
barns gleði.

Ungur var eg forðum —  
fór eg einn saman,  
föður sviptur,  
er mjer fremst unni;  
þannig liðu  
langir dagar,  
meini blandnir  
á marga lund.

Fluttu mig forlög  
 um fjöll suður,  
 einn, ókunnan,  
 alls þurfanda;  
 mátti eg ei móður  
 mál um nema,  
 mátti eg ei systur  
 mína sjá,  
 þá var mjer bróðir  
 blíður hörfinn.

Þá varst það þú,  
 er eg þegjandi  
 aðgætnu auga  
 einatt leiddi:  
 það sagði mjer hugur,  
 að þar mundi  
 viður vaxa,  
 er vænti eg af skjóls.

Sátum við tveir  
 við sjó löngum

og sáttir á  
 sundi lækum;  
 þótti mjer þá  
 sem við þreyta mundum  
 burt veltandi yfir  
 hylgjur lífs,  
 einum hug  
 mót örlaga straumi.

Þá varst það þú, þú  
 er eg þegjandi  
 valdi mjer  
 að vini fyrstum;  
 síðan eg hef  
 sælla stunda  
 allmargra notið,  
 ama horfinn,  
 bezti vinur!  
 að brjósti þjer.

Þess eg nú minnist,  
 er þetta er

sigurdagur þess ,  
 er sendi himin  
 engil ofan  
 upp að ræta  
 harma gras  
 úr hyggju reit  
 andvarpandi  
 aumra manna.

Hvert mjer þá fyr  
 í hug koma  
 skyldara mundi,  
 eður skapi nær,  
 óskar orð,  
 enn að árna góðs  
 þeims mjer að vini  
 veittan hefur.

Má eg alda  
 ókominna  
 orð um nema;  
 en þau að eyrum mjer

berast brotin,  
sem brimkviður  
ómi á lengdar  
við enda nætur.

Sje eg örlög  
ýmisleitan  
okkur ókominn  
aldur skapa;  
en það óskýrt  
að augum míj er  
kemur, líkt sem  
á köldu hausti  
stjörnu glampi  
af sljettum sjó.

Hlægir mig nú það,  
er mig hreldi áður  
ungan of mjög,  
þá er eg fór einn saman;



gott er að ganga  
geði kviðlausu  
ófarið, örstutt,  
æfiskeið.

---

MEYJAN MÍN HIN VÆNA.

---

Mín er meyjan væna  
mittisgrönn og fótnett,  
bjarteyg, brjóstafögur,  
beinvaxin, sviphrein;  
hvít er hönd á snótu,  
himinbros á kinnum,  
falla lausir um ljósan  
lokkar háls hinn frjálsa.

---

## Í SPÁNSKA SJÓNUM \*.

## SKÁLDID:

Hví viltu andsvala  
 austankul  
 svo á segli vaka?  
 hví viltu meina  
 mjer að sjá  
 Dofra sólháu sali?

Hví viltu meina  
 manni sjóleiðum  
 hæðir Hertu líta?  
 dökkt er á djúpi,  
 dimmar öldur rísa,  
 mig langar landsýn í.

## VINDURINN:

Vegu bláa  
 vestur um haf  
 hleyp eg, himinborinn.

---

\*.) Kveðið 31. ág. 1832.

þangað sem Garðars  
gamla ey  
há úr hafi rís.

Langar mig þar  
um ljósan tind  
gullnu skýi skauta  
og í djúpum  
dal að kyssa  
mundarfagra mey

Svo á eg heiti,  
sem eg um heiminn fer  
allan ýmsa vegu:  
næðingur kem eg að norðan,  
næturkul að austan,  
vorgola að sunnan  
vestan hafræna.

#### SKÁLDID:

Heyr þú hafræna  
hin himinborna!

flýtt þjer Fróns úr dölum;  
kysstu samt fyrst,  
og kossinn færðu  
mjer frá dalanna dætrum!

---

## ÍSLAND \*.

Ísland! farsælda-frón  
 og hagsælda hrímhvíta móðir!  
 hvar er þín fornaldar-frægð,  
 frelsið og manndáðin best?  
 Allt er í heiminum hverfult,  
 og stund þíns fegursta frama  
 lýsir, sem leiptur um nótt,  
 langt fram á horfinni öld.  
 Landið var fagurt og frítt,  
 og fannhvítir jöklanna tindar,  
 himininn heiður og blár,  
 hafið var skínandi hjart.  
 Þá komu feðurnir frægu  
 og frjálsræðishetjurnar góðu  
 austan um hyldýpis haf  
 hingað í sælunnar reit;  
 reistu sjer byggðir og bú  
 í blómguðu dalanna skauti;

---

\*) Prentað í Fjölni 1835, á 21. bls.

ukust að íþrótt og frægð,  
 undu svo glaðir við sitt.  
 Hátt á eldhrauni upp,  
 þar sem enn þá Öxará rennur  
 ofan í Almannagjá,  
 alþingið feðranna stóð.  
 Þar stóð hann Þorgeir á þingi,  
 er við trúnni var tekið af lýði;  
 þar komu Gissur og Geir,  
 Gunnar og Hjeðinn og Njáll.  
 Þá riðu hetjur um hjeröð,  
 og skrautbúin skip fyrir landi  
 flutu með fríðasta lið,  
 færandi varninginn heim.  
 Það er svo bágt að standa í stað,  
 og mönnunum munar  
 annaðhvort aptur á bak  
 ellegar nokkuð á leið.  
 Hvað er þá orðið okkar starf  
 í sex hundruð sumur?  
 Höfum við gengið til góðs  
 götuna fram eptir veg?

Landið er fagurt og frítt,  
 og fannhvítir jöklanna tindar,  
 himinn heitur og blár,  
 hafið er skínandi hjart.  
 En á eldhrauni upp,  
 þar sem enn þá Öxará rennur  
 ofan í Almannagjá,  
 alþing er horfið á braut.  
 Nú er hún Snorrabúð stekkur,  
 og lyngið á lögbergi helga  
 blánar af berjum hvert ár,  
 börnum og hröfnum að leik.  
 Ó þjer unglunga fjöld  
 og Íslands fullorðnu synir!  
 sona er feðranna frægð  
 fallin í gleymsku og dá!

---



## HEYLÓAR-KVÆÐI \*.

---

Snemma lóan litla í  
lopti bláu "dírrindi"  
undir sólu syngur:  
"Lofið gæzku gjafarans,  
grænar eru sveitir lands,  
fagur himinhringur.

Jeg á bú í berja-mó,  
börnin smá í kyrrð og ró  
heima í hreiðri bíða;  
mata jeg þau af móðurtryggð,  
maðkinn tíni þrátt um byggð  
eða flugu fríða."

Lóan heim úr lopti flaug,  
(ljómaði sól um himinbaug,

---

\*) Prentað í Fjölni 1836, II, 28.

blómi grær á grundu)  
til að annast unga smá —  
alla jetið hafði þá  
hrafni fyrir hálfri stundu.

---

## SAKNAÐAR-LJÓÐ \*.

Þá var eg ungur,  
 er unnir luku  
 föður augum  
 fyrir mjer saman;  
 man eg þó missi  
 minn í heimi  
 fyrstan og sárstan,  
 er mjer faðir hvarf.

Man eg afl andans  
 í yfirbragði,  
 og ástina hjörtu,  
 er úr augum skein.  
 Var hún mjer æ,  
 sem á vorum ali  
 grös hin grænu  
 guðfögur sól.

---

\*) Prentuð í Fjölni 1837, I, 3.

Man eg og minnar  
 móður tár,  
 er hún aldrei sá  
 aptur heim snúa  
 leiðtoga ljúfan,  
 ljós á jörðu  
 sitt og sinna.  
 Það var sorgin þyngst.

Mjög hef eg síðan  
 til moldar ganga  
 ættmenni bezt  
 og ástvini sjeð.  
 Þá vill hugur  
 harma telja,  
 þegar böl húið  
 er brjósti nýtt.

Sá eg hinn góða,  
 er guði treysti,  
 ungan og öflugan,  
 ættjarðar von,

Lárus á bana-  
bólstur hniginn,  
líki líkan,  
er eg land kvaddi.

Sá eg með Dönum  
í dauðra reit  
Baldvin úr bruna  
borinn vera —  
fríða, fullstyrka  
frelsisbetju.  
Söknuður sár  
sveif mjer þá að hjarta.

Sá eg Torfa —  
tryggðreyndan vin,  
hraustan, hreinskilinn  
og hjartaprúðan —  
lífi ljúka  
og lagðan vera  
ættjörðu fjær,  
er hann unni mest.

Átti eg eptir  
 enn í heimi  
 ungan og fagran  
 ættarblóma;  
 vel mundi kæta,  
 vel mundi bæta  
 laufgrænn kvistur  
 lágan runna.

Það man eg yndi  
 öðru meira,  
 er við Skapta  
 skilning þreyttum,  
 eður á vænum  
 vina-fundi  
 góða geðspakur  
 á gleði jók.

Sá eg þig, frændi!  
 fræði stunda,  
 og að sælum  
 sanni leita,

þegar röðull  
 á rósir skein,  
 og blá-dögg beið  
 á blómi sofanda —

Er þú á hæsta  
 hugðir speki,  
 og hátt og djúpt  
 huga sendir.  
 Of eru myrk  
 manna sonum,  
 þeim er hátt hyggja,  
 hin helgu rök.

Brann þjer í brjósti,  
 bjó þjer í anda,  
 ást á ættjörðu,  
 ást á sannleika.  
 Svo varstu búinn  
 til bardaga  
 áþján við  
 og illa lygi.

Nú ertu lagður  
lágt í moldu,  
og hið brennheita  
brjóstið kalt.  
Vonar-stjarna  
vandamanna  
hvarf í dauða djúp —  
en drottinn ræður.

---



## GRIKKUR \*.

Fýkur yfir hæðir og frostkaldan mel,  
 í fjallinu dunar, en komið er jel,  
 snjó-skýin þjóta svo ótt og ótt;  
 auganu hverfur um heldimma nótt  
 vegur á klakanum kalda.

Hver er hin grátna, sem gengur um hjarn,  
 götunnar leitar, og sofandi baru  
 hylur í faðmi og frostinu ver,  
 fögur í tárur? en mátturinn þver —  
 hún orkar ei áfram að halda.

“Sonur minn góði! þú sefur í værð,  
 sjerð ei nje skilur þá hörmunga stærð,  
 sem að þjer ógnar og á dynja fer;  
 eilífi guðssonur! hjálpaðu mjer  
 saklausa barninu að bjarga.

---

\*) Prent. í Fjölni 1837, I, 30; sb. greinina, sem þar  
 stendur fyrir framan kvæðið.

Sonur minn blíðasti! sofðu nú rótt;  
sofa vil eg líka þá skelfingar nótt;  
sofðu! eg hjúkra og hlífi þjer vel;  
hjúkrar þjer móðir, svo grimmasta jel  
má ekki fjörinu farga.”

Fýkur yfir hæðir og frostkalda leið,  
fannburðinn eykur um miðnætur-skeið;  
snjóskýja bólstrunum blásvörtu frá  
beljandi vindur um hauður og lá  
í dimmunni þunglega þýtur.

Svo, þegar dagur úr dökkvanum rís,  
dauð er hún fundin á kolbláum ís;  
snjóhvíta fannblæju lagði yfir lík  
líknandi vetur — en miskunarrík  
sól móti sveininum lítur.

Því að hann lifir og brosir og býr  
hjargandi móður í skjólinu hlýr,  
reifaður klæðnaði brúðar — sem hjó  
barninu værðir, og lágt undir snjó  
fölnað í frostinu sefur.

Neisti guðs líknsemdar ljómandi skær,  
lífinu beztan er unaðinn fær,  
móðurást blíðasta, börnunum háð!  
blessi þig jafnan og efli þitt ráð  
guð, sem að ávöxtinn gefur.

---

## GUNNARSHÓLMI \*.

Skein yfir landi sól á sumarvegi  
 og silfurbláan Eyjafjallatind  
 gullrauðum loga glæsti seint á degi.  
 Við austur gnæfir sú hin mikla mynd  
 hátt yfir sveit, og höfði björtu svalar  
 í himinblámans fagurtærri lind.  
 Beljandi foss við hamrabúann hjalar  
 á hengiflugi undir jökulrótum,  
 þar sem að gullið geyma Frosti og Fjalar.  
 En hinumegin föstum standa fótum  
 blásvörtum feldi búin Tindafjöll  
 og grænu belti gyrð á dala-mótum.  
 Með hjálminn skyggnda, hvítri líkan mjöll,  
 horfa þau yfir heiðarvötnin bláu,  
 sem falla niður sagan Rangárvöll;  
 þar sem að una byggðar býlin smáu,  
 dreifð yfir blómguð tún og grænar grundir.  
 Við norður rísa Heklu tindar háu.

---

\*) Prent. í Fjölni 1838, I, 32—34.

Svell er á gnípu, eldur geysar undir;  
 í ógna djúpi, hörðum vafin dróma,  
 skelling og dauði dvelja langar stundir.

En spegilskyggnd í háu lopti ljóma  
 hrafntinnuþökin yfir svörtum sal.  
 Þaðan má líta sælan sveitarblóma;

Því Markarfljót í fögrum skógardal  
 dunar á eyrum; breiða þekur bakka  
 fullgróinn akur, fegurst engja-val

Þaðan af breiðir hátt í hlíðar slakka  
 glitaða blæju, gróna blómum smám.  
 Klógulir ernir yfir veiði hlakka:

Því fiskar vaka þar í öllum ám.  
 Blikar í lopti birkiþrasta sveimur,  
 og skógar glynja, skreyttir reynitrjám.

Þá er til ferðar fákum snúið tveimur,  
 úr rausnar-garði hæstum undir Hlíð,  
 þangað sem heyrir öldu-falla eimur;

Því hafgang þann ei hepta veður blíð,  
 sem voldug reisir Rán á Eyjasandi,  
 þar sem hún heyrir heimsins langa stríð.

Um trausta strengi liggur fyrir landi

borðfögur skeið, með bundin segl við rá;  
skínandi trjóna gín mót sjávar grand.

Þar eiga tignir tveir að flytjast á

bræður af fögrum fósturjarðar ströndum  
og langa stund ei litið aptur fá,

fjarlægum ala aldur sinn í löndum,

útlagar verða vinar augum fjær;

svo hafa forlög fært þeim dóm að höndum.

Nú er á brautu borinn vigur skær

frá Hlíðarenda hám; því Gunnar riður

atgeirnum beitta búinn. Honum nær

dreyrrauðum hesti hleypir gumi fríður

og bláu saxi gyrður yfir grund —

þar mátti kenna Kolskegg allur lýður.

Svo fara báðir bræður enn um stund;

skeiðfráir jóar hverfa fram að fljóti;

Kolskeggur starir út á Eyjasund,

en Gunnar horfir hlíðar brekku móti;

hrædist þá ekki frægðarhetjan góða

óvina fjöld, þó hörðum dauða hóti.

“Sá eg ei fyr svo fagran jarðar gróða,  
 fjenaður dreifir sjer um græna haga,  
 við bleikan akur rósin blikar rjóða.

Hjer vil eg una æfi minnar daga  
 alla, sem guð mjer sendir. Farðu vel,  
 bróðir og vinur!” — Svo er Gunnars saga.

Því Gunnar vildi heldur biða hel,  
 enn horfinn vera fósturjarðar ströndum.  
 Grimmlegir fjendur, flárri studdir vjel,  
 fjötruðu góðan dreng í heljar böndum.  
 Hugljúfa samt eg sögu Gunnars tel,  
 þar sem eg undrast enn á köldum söndum  
 lágan að sigra ógna bylgju ólma  
 algrænu skrauti prýddan Gunnarshólma.  
 Þar sem að áður akrar huldu völl,  
 ólgandi Þverá veltur yfir sanda;  
 sólroðin líta enn hin öldnu fjöll  
 árstrauminn harða fögrum dali granda;  
 flúinn er dvergur, dáið hamra tröll,  
 dauft er í sveitum, hnipin þjóð í vanda;  
 en lágum hlífir hulinn verndarkraptur  
 hólmanum, þar sem Gunnar snjeri aptur.

---

# KVEÐJA OG ÞÖKK ÍSLENDINGA TIL ALBERTS THORVALDSENS \*.

---

## I. KVEÐJA.

(Haustið 1838, þá er hann kom annað sinn frá Róma-  
borg til Kaupmannahafnar.)

Í höfum norður  
við himin gnæfir  
eyja ísi skyggnd  
eg eldi þrungi;  
þar rís hin fagra  
feðra þinna  
móðurmold  
úr mararskauti.

Fjöld sá hún frægra  
fólkbetruna;  
vara þeim vizku  
vant nje snilli;

---

\*) Prentað aptan við Æfisögu Alberts Thorvaldsens (Kmh.  
1841. 8) á 63. bls.



þó hefur engi  
 annar, sem þú,  
 frægðargeisli  
 yfir fold þá skinið

Sæl þættist hún,  
 ef hún sjá mætti  
 yndi fegurst  
 augna sinna;  
 sæl þættist hún,  
 ef hún sjálf mætti  
 frægð þá fullþakka,  
 er hún fjekk af þjer.

Hver hefur dýrra  
 af drottni þegið  
 annar og unnið  
 erindi þjer?  
 Veitti þjer fulla  
 fegurð að skoða  
 himna höfundur,  
 heimi veittir þú.

Ein situr úti  
 yfir öldugeimi  
 fósturfold  
 feðra þinna;  
 hefur nje eina  
 augum litið  
 lífmynd ljúfa,  
 er þú leiddir fram.

Vittu samt, að þar  
 á vörum lifir  
 broshýrra barna  
 og blíðra meyja  
 heitið heimfræga,  
 er heyrir hver  
 móður margnesna  
 mögur í landi.

Ó að þú mættir  
 augum leiða  
 landið loftháa  
 og ljósbeltaða,

þar sem um grænar  
grundir líða  
elfur ísbláar  
að ægi fram.

Þar er Heklufjall  
og Hofsjökull,  
Baldjökull, Bláfell,  
og Baulutindur,  
Hólmur, Hegranes,  
og Hlíðin góða,  
þar sem enn byggja  
ættmenn þínir.

Mundi þá hinn mikli  
mögur Þorvaldar  
kynland sitt kenná  
og karlmannlegt þykja;  
tign býr á tindum,  
en traust í björgum,  
fegurð í fjalldölum,  
en í fossum afl.

Mundu þá sveinar  
 og meyjar bláeygar  
 Snælands hins snjókrýnda  
 snúast þjer í móti,  
 frænda færandi  
 frægstum í heimi  
 barnslegar ástir,  
 sem beztar kynnu.

Og feður harðhendir  
 hraustra drengja  
 og mæður málblíðar  
 munnhvíttra snóta  
 blessa þann, er bjó  
 börnum þeirra  
 fyrirmynd fegursta  
 frægðar að leita.

Og þó und sólu  
 suðurheima  
 eyðir þú æfi  
 að alföður vild:

ann þjer um aldur  
 Ísafoldar  
 sonur og dóttir,  
 meðan sær dunar.

---

## II. ÞÖKK.

(Vorið 1839, þá er skírnarfontur Thorvaldsens kem til  
 Reykjavíkur.)

“Ein situr úti  
 yfir öldugeimi  
 fósturfold  
 feðra þinna;  
 hefur nje eina  
 augum lítið  
 lífmynd ljúfa,  
 er þú leiddir fram.”

Svo kvað á hausti  
 hrímgrundar sjöt,  
 kynlanda kærstum  
 þá er kveðju flutti,

vitandi víst  
 um vingjöf þína,  
 dulin hvað dveldi  
 dýrgrip á leið.

Nú hefur bættu  
 sá, er bezt um kunni,  
 eptirþrá  
 augna vorra;  
 sæmir því að sæma  
 þann, er senda ljet  
 vonar fylling,  
 vorþökkum með.

Ungir og aldnir  
 andvirki frá  
 gangið að skoða  
 í guðs musteri!  
 skín þar hin helga  
 á höggnum steini —  
 ljóstær lífsbrunnur —  
 laug sáttmála.

Hver hefur leiddar  
fyrir líkams augu  
myndir guðlegar  
musterið í?

Hefji höfuð sín  
hingað farinn  
lýður og líti  
lotningu með!

Sjáið hjer segursta  
friðarmynd —  
blíða Maríu  
með barnið á skauti;  
hallast að góðrar  
guðsmóður knjám  
ungur Jóhannes  
og ástarblíður.

Sjáið ánni í  
allra manna  
lausnara ljúfan  
og líknar-skæran

skírn að skírast,  
 áður skepnu sína  
 guði vinni,  
 þá er glötuð var.

Sjáið enn fremur  
 ástvin beztan  
 barnanna ungu,  
 er hann blessar þau;  
 “leyfið þeim”, segir  
 hinn líknarfulli  
 “öllum hjá mjer  
 athvarfs að leita”.

Hver sá í huga  
 svo heilög tíðindi?  
 hver ljet þau stíga  
 af steininum fram?  
 Hver hefur leiddar  
 fyrir líkams augu  
 myndir guðlegar  
 musterið í?



Hefji höfuð sín  
 hingað farinn  
 lýður og lesi  
 letur á steini;  
 englar alskærir  
 og ástum bundnir  
 líða þar yfir,  
 en letrið greinir:

“Reist smíð þessa  
 í Róm suður  
 Albert Thorvaldsen  
 fyrir árum tólf,  
 ættjörðu sinni,  
 Ísalandi,  
 gefandi hana  
 af góðum hug.”

Albert Thorvaldsen  
 ættjörðu gaf;  
 hve skal ættjörð hans  
 Alberti þakka?

Breiðar eru báruð  
að borgum fram,  
frændinn fjarlægur  
feðra láði.

Þá væri launað,  
ef þú líta mættir  
ásjón upp lypta  
ungrar móður,  
þar sem grátgláður  
guði færir  
barn sitt bóndi  
að brunni sáttmála.

---

## MAGNÚSARKVIÐA \*.

## TVÍTUGUR FLOKKUR.

---

Úti sat und hvítum  
alda faldi  
fjallkonan snjalla  
fögur ofan lög;  
sá hún um bláan  
boga loga  
ljósin öll, er lýsa  
leið um næturskeið.

Sofinn var þá fífill  
fagur í haga,  
mús undir mosa.  
már á báru;  
blæju yfir bæ  
búanda lúins  
dimmra drauma  
dró nótt úr sjó.

---

\*) Prentuð í Ljóðmælum Magnúsar Stephensen (Viðey 1842.  
8) á 68. bls.

Hver er sá er snörum  
 hugar augum  
 skoðar lífs leiðir,  
 lýð allan og tíð;  
 vakir og vakir,  
 vinnu sinnir  
 hrímkalda grímu  
 sem hagbjartan dag.

Fár gat svo fyrri  
 frónbyggja sjón  
 glætt, að þeir mættu  
 geima skoða heima;  
 fær gat svo fyrri,  
 fornra norna  
 haptböndum sviptan,  
 huga sent á flug.

Fár gat svo fyrri  
 fullhugaður bugað  
 illa villu,  
 aldaspella gjald.

Legið hefur lygi  
 og láðbyggja ráð  
 alla vega spjallað  
 eiturbland í sveitum.

Fár gat svo fyrri  
 fjandann anda  
 lestan og lostið,  
 lygi, brott úr vígi;  
 hrakti sá, er vakti  
 meðan hölda fjöld  
 megindofin sefur,  
 marghöfðaðan varg.

Úti sat und hvítum  
 alda faldi  
 fjallkonan snjalla  
 fögur ofan lög;  
 sá hún þar er vá  
 að vættum hættum  
 iturdjarfur arfi  
 Ólafs und sólu.

Róma varð á þremi:  
 ruddist að studdri  
 fólkundjarfur fylking  
 flokks óþokkans;  
 hugði sá, er dugði,  
 fyrir hamar fram  
 alla saman fella  
 ókind á sjó.

Hvergi hugðist varga  
 við snúið lið  
 berast láta fyrir  
 hjarga rið niður;  
 hremmdu þá og klemmdu,  
 er hrekjast tóku,  
 stoðir, sem stóðu  
 í styrku landvirki.

Hvöt var aðsókn hetju,  
 harðnar enn senna,  
 ógurlegum augum  
 á skaut hann þá.

Stóðu þeir við stóðir  
 (stökk ei nje hrökk)  
 stærri jafnt og smærri,  
 strjúka vill ei púki.

Magnús gekk af megni  
 und merki þjóðsterkur  
 láðvörður lýða  
 ljóss, sjer til hróss;  
 skoðar hann í hraða  
 högum augum  
 tjón allt og lán  
 tiguglegs sigurs.

Ríður hinn ráðgóði  
 á regin lognmegins,  
 höggur nú og leggur,  
 hrekur allt og rekur;  
 forkunnar forvirki  
 falla um grund alla,  
 flýja flokkar lygi,  
 fjandi stökk úr landi.

Skilið á, að skuli  
 skildi vel halda  
 maður fyrir móðum  
 mæringi, er  
 aptur sækir eptir  
 aldyggum hal  
 flokkur flár nokkur  
 freka, sem var rekinn.

Skilið á hann, skuli  
 skilja rjett vilja  
 frónbúar nú,  
 að hann fremdarheit efndi;  
 dýrum blóðdreyra,  
 dörsæfðu fjörvi,  
 opt hafa keyptan  
 ýtar sigur nýtan.

Úti sat und hvítum  
 alda faldi  
 fjallkonan snjalla  
 fögur ofan lög;



sá hún hvar lágu  
 á landi og sandi,  
 fallin með öllu,  
 forvirkin styrku.

Hrjáð yfir láð  
 er her æstur fer  
 og bárur brimóra  
 bandið auka landa:  
 hver er sá, er þori  
 heimsóknar þeim  
 sýnja, jafut og dýnja  
 sóttir yfir dróttir?

Þörf er brýn á djörfum  
 þegnum, er gegn  
 fara þori fara  
 flæmings afskræmi;  
 þörf er og á djörfum  
 þegnum, er megni  
 sterkleg vinna stórvirki,  
 strita samt með viti.

Veit eg eitt að vitur  
 vildi hann, skyldi  
 öll fá margbætt spjöllin  
 ástland hans; en brást.  
 Sá hann hvar lágu  
 á landi og sandi,  
 fallin með öllu,  
 forvirkin styrku.

Lýður landráður!  
 láttu sjá — vel máttu  
 bæta vígi, brotin  
 braml það við og svaml.  
 Lýður landráður!  
 ljettu nú svefnhettu,  
 enn er nóg að vinna,  
 einum er starf meinað.

Úti sat und hvítum  
 alda faldi  
 fjallkonan snjalla  
 fögur ofan lög;

sá hún þar á,  
er eybúa grúi  
mesta manns að flestu  
moldu vígði hold.

---

## JÓNAS TÓMASSON \*.

Horfin er enn,  
er unni eg mest,  
ættar von  
úr alda heimi —  
ennið ástbreina,  
augun bláu,  
brjóstið barn glaða,  
byrgt undir fjöl.

Gott hugði eg til  
af guði senda  
ylinn að ala,  
ást að festa —  
ættjörðu skyldi  
ungur renna  
kvistur af stofni  
fyrir krepptan reyr.

---

\*) Systurson skáldsins. Prentað í Skírni 1839 á 103. bls.

Gott hugði eg til  
 af guði senda  
 neistaun að glæða  
 námsölum í —  
 ungur skyldi,  
 þau er hinn eldri nam,  
 fræðin fegurstu  
 framar styðja.

Rjeð, sá er ræður  
 rökum alda,  
 ástríkur faðir,  
 alls vitandi;  
 því skal traustri trú  
 trega binda,  
 frænda sviptur  
 framar þreyta.

---

## JÓN SIGHVATSSON \*.

---

Dýrðlegt er að sjá,  
eptir dag liðinn,  
haustsól brosandí  
í hafið renna:  
húgur hún hóglega  
og haður kveður  
friðar kossi  
og á fjöllum sezt.

Stíga þá stjörnur,  
stórmargur her,  
alskærar upp  
af austurstraumum,  
blysum blikandi  
um boga heiðan  
salar sólheima  
á svalri nóttu.

---

\*) Prentað í Skírni 1842 á 131. bls.

Vaka þær og vaka  
 og veralda fjöld  
 sáu og sjá munu,  
 systur álfröðuls;  
 sofna ei og sofna ei,  
 þótti sígi til víðar,  
 sælust dagstjarna —  
 sjest hún enn að morgni.

Svo er um æfi  
 öldungmanna  
 sem um sumar-  
 sól fram runna:  
 hníga þeir á haustkvöldi,  
 hjervistardags  
 hóglega og blíðlega  
 fyrir hafsbrún dauða.

Vaka þá og skína  
 á vonarhimni  
 alskærar stjörnur,  
 anda leiðtogar:

traust og trú  
 og tryggjar speki  
 augað ólygna  
 og andarnir lifa!

Gráti því hjer enginn  
 göfugan föður,  
 harmi því hjer enginn  
 höfðingja liðinn;  
 fagur var hans lífsdagur,  
 en fegri er upp runninn  
 dýrðardagur hans  
 hjá drottni lifanda.

Það var Jón Sighvatsson.  
 sofnaði prúðmenni;  
 gekk hann til grafar  
 í góðri elli;  
 geymd verður minning  
 göfugs stórbónda  
 í blessun hjá börnum  
 búenda lands.



Menjar skulu merkis-  
manns hins frábæra  
lila og blómgast  
í landi voru;  
dáðar og dugnaðar,  
dyggðar hvers konar,  
frægðar og frama  
fyrirmynd hann var.

Stríð er starf vort  
í stundarheimi,  
berjumst því og búumst  
við betri dögum;  
sefur ei og sefur ei  
í sorta grafar  
sálin — í sælu  
sjest hún enn að mörgnu.

---

## Á GÖMLU LEIÐI 1841 \*.

Fundanna skært í ljós burt leið,  
blundar hjer vært á beði moldar,  
blessaðar fært á náðir foldar,  
barnið þitt sært, ó beiska neyð!

Sofið er ástaraugað þitt,  
sem aldrei brást að mætti mínu;  
mest hef eg dáztt að brosi þínu,  
andi þinn sást þar allt með sitt.

Stirðnuð er haga höndin þín,  
gjörð til að laga allt úr öllu,  
eins ljett og draga hvítt á völlu  
smámeyjar fagurspunnið lín.

Vel sje þjer, Jón! á værum beð,  
vinar af sjónum löngu liðinn,

---

\*) Prentað í Skírni 1842 á 133. bls.

lúður á bón um himnafriðinn.  
Kalt var á fróni, *Kjærnested!*

Slokknaði fagurt lista ljós.  
Snjókólgudaga hríðir harðar  
til heljar draga blómann jarðar —  
fyrst deyr í haga rauðust rós.

---

# GUÐMUNDUR KAUPMAÐUR GUÐMUNDS- SON \*.

---

“Leiður er mjer sjávar sorti  
og sólgáruð bára”,  
síðan barma brútu  
blíðan mjer frá síðu;  
algildum hafa öldur  
ótrúar gröf búið,  
grimmar djúpt í dimmum  
dauðasal hann falið.

“Eigi mega á ægi  
ógrátandi líta”  
móðir, systur, síðan  
sjá ei bróður góðan;  
löngum sjá þær lengi  
lauguðum sjónhaugum  
öldur á og leita  
að þeim, er nam staðar.

---

\*) Kveðið undir nafni bróður hans; prentað í Skírni 1843 á  
11. bls. í viðuraukanum.

Einatt úti sýnist  
 undir land á stundum  
 seglum skautuð sigla  
 sæhind þægum vindi.  
 Það er ei hann, sem fanna  
 hallar leið að fjalli;  
 þoka er það, sem rýkur.  
 Þíð, á mari víðum.

“Sól gengur síð undir múla!  
 svo langar þig þangað”.  
 ein sem ástin bezta  
 ól á föðurbóli.  
 Hver veit, hve langt leita  
 leiðar þarf nú arfi  
 hrelldrar móður að kveldi.  
 hennar í faðm renna?

Varð ekki í grænum garði  
 grafar auðið þeims dauða  
 greip á dökku djúpi  
 drómi lífs úr blóma;

blæju bláa ægir  
breiddi yfir þig leiddan,  
frændi! fyr sem undir  
fold og seimi heima.

Seggir af harmi hyggja  
helzt eiga, sem mega,  
stutta stund að ljetta  
starfa sinna; en minnast  
eg með ástartrega  
ætið hlýt — því þætist  
aldrei það er eg þoldi —  
þín, minn bróðir góður!

---

## EPTIR ADDISON \*.

Festingin víða, hrein og há,  
 og himinhjörtu skýin blá  
 og logandi hvelving ljósum skírð!  
 Þið lofið skaparans miklu dýrð;  
 og þrautgóða sól! er dag frá degi  
 drottins talar um máttarvegi,  
 ávallt birtir þú öll um lönd  
 almættisverk úr styrkri hönd.

Kvöldadimman er kefur storð,  
 kveða fer máni furðanleg orð  
 um fæðingar atburð, heldur hljótt,  
 hlustandi jarðar á þögulli nótt,  
 og allar stjörnur, er uppi loga  
 alskipaðan um himinboga,  
 dýrðleg sannindi herma hátt  
 um himinskauta veldið blátt.

---

\*) Í form. framan við Úrsíns Stjörnufræði, Viðey 1842. 8.

Og þótt um helga þagnarleið  
þreyti vor jörð hið dimma skeið  
og öngva rödd og ekkert hljóð  
uppheimaljósinn sendi þjóð,  
skynsemi vorrar eyrum undir  
allar hljómar um næturstundir  
lofsöngur þeirra, ljóminn breinn:  
“Lifandi drottinn skóp oss einn!”

---



## KVEÐJA TIL UPPSALAFUNDARINS 1843\*.

---

“Bræður munu herjast  
 og að hönum verða”  
 ógnar hin aldna spá;  
 fram komu fyr  
 (og að fullu sje!)  
 öll þau orð völu.

Fundizt hafa bræður  
 við Fýrisá,  
 faðmamt fóstbræður:  
 tryggðum treystust,  
 trausti bundust  
 synir samþjóða.

Ást mætir ást  
 og afli safnar  
 meir enn menn viti;

---

\* ) Prent. í *Beretning om Studenteretoget til Upsala i Juni Maaned 1843.* Kbh. 1844. 3.

margur dropi  
 verður móða fögur  
 og brunar að flæði fram.

---

Eldur er í norðri,  
 ey hefur reista  
 móðir yfir mar,  
 beltað bláfjöllum,  
 blómgað grasdölum,  
 faldað hvíttri fönn.

Búa þar og rækja  
 bræður yðrir  
 forna frændsemi;  
 muna, þótt mart  
 hafi milli borið,  
 ættstofn allra vor.

Kveð eg yður, unga  
 austmenn samhuga,  
 vel fyrir vora hönd;  
 kveð eg yður kossi

kærra vona  
og handar heitbandi.

Kref eg yður arfs  
og ættartrausts  
bróðurbands og tryggða,  
sem fremst þjer vitið,  
að föðurleifðar  
vorrar vel gættum.

---

Blaðist æ og blómgist  
til blessunar  
viður vináttu,  
sem góður andi  
gróðursetti  
yðar á Óðinshæð.

Hreysti, ráðsnilli  
og hugprýði  
vina styðji von;  
sigri sannindi  
og samheldi;  
ást guðs öllum hlíf!

---

## ALÞING HIÐ NÝJA.

(1840) \*.

Hörðum höndum  
vinnur hölda kind  
ár og eindaga;  
siglir særokian,  
sólbíttinn slær,  
stjörnuskininn stritar.

Traustir skulu hornsteinar  
hárra sala;  
í kili skal kjörviður;  
bóndi er bústólpi —  
bú er landstólpi —  
því skal hann virður vel.

Fríður foringi  
stýri fræknu liði,

---

\*) Prentað í Fjölni 1843 á 7. bls.

þá fylgir sverði sigur;  
 illu heilli  
 fer að orustu  
 sá er ræður heimskum her.

Sterkur fór um veg,  
 þá var steini þungum  
 lokuð leið fyrir;  
 ráð at hann kunni,  
 þó ríkur sje,  
 og hefðu þeir um þokað.

Bera bý  
 bagga skoplítinn  
 hvert að húsi heim:  
 en þaðan koma ljós  
 hin logaskæru  
 á altari hins göfga guðs.

---

Vissi það að fullu  
 vísir hinn stórráði.

Stóð hann upp af stóli,  
 studdist við gullsprota:  
 “Frelsi vil eg sæma  
 framgjarnan lýð,  
 ættstóran kynstaf  
 Ísafoldar.

Ríða skulu rekkar,  
 ráðum land byggja,  
 fólkdjarfir fyrðar  
 til fundar sækja,  
 snarorðir snillingar  
 að stefnu sitja,  
 þjóðkjörin þrúðmenn  
 þingsteinum á.

Svo skal hinu unga  
 alþingi skipað  
 sem að sjálfir þeir  
 sjer munu kjósa.  
 Gjöf hef eg gefið,  
 gagni sú lengi

foldu og fyrðum  
sem eg fremst þeim ann."

Þögn varð á ráðstefnu,  
þótti ríkur mæla;  
fagureygur konungur  
við fólkstjórum horfði;  
stóð hann fyrir stóli,  
studdist við gullsprotta;  
hvergi getur tignarmann  
tiguglegra.

Sól skín á tinda.  
Sofið hafa lengi  
dróttir og dvalið  
draumþingum á.  
Vaki vaskir menn,  
til vinnu kveður  
giptusamur konungur  
góða þegna.

---

## ANNAÐ KVÆÐI UM ALÞING\*.

Drottinn gaf og hann drottinn tók,  
drottins nafnið lofað sje —  
einatt það mjer yndi jók,  
eg er gjörður úr steini og trje;  
seinast þegar jeg sá í gær  
sannlega komna háðung nær  
landa mína — jeg lifði samt.  
Lítið er lítið og stutt er skammt.

Og lifði vel — og lízt það sje  
löglegt verk, þó að fjórtán manns  
þjóðina mína hneppi í hlje;  
hún á að vora þrælafans;  
og þeir sem að hittu þenna veg,  
þeir eru sigldir eins og jeg —  
utan þetta einn, eða svo,  
á við hina suma tvo.

---

\*) Prentað í Fjölni 1843 á 9. bls., neðan við það kvæðið,  
sem hjer er næst á undan.



Hafðu, bóndi minn, hægt um þig!  
 hver hefur skapað þig í kross?  
 Dýrðin vor þegar sýnir sig.  
 Þjer sæmir bezt að lúta oss.  
 Á alþinginu áður var  
 ekki neitt nema höfðingjar:  
 bíddu nú við, og sjáðu senn:  
 sona á það að verða enn.

Taktu nú ekki orð mín samt  
 sem illu gamni fagni jeg.  
 Þegar að svo af skornum skammt  
 skýlaus rjetturinn kemst á veg,  
 hefndardagurinn eptir er;  
 "en enginn veit nær þetta sker":  
 samt sem að áður held jeg bitt,  
 hver muni seinast jeta sitt.

---

## GRÁTITLINGURINN \*.

Ungur var jeg, og ungir  
austan um land á hausti  
laufvindar bljesu ljúfir,  
ljek jeg mjer þá að stráum.

En hretið kom, að hvetja  
harða menn í byl-sennu;  
þá sat jeg enn þá inni  
alldapur á kvennpalli.

Nú var tryppið hún Toppa,  
tetur á annan vetur,  
fegursta hross í haga,  
og hrúturinn minn úti.

Þetta var allt, sem átti  
ungur drengur, og lengi  
kvöldið þetta hið kalda  
kveið jeg þau bæði deyði.

---

\*) Prent. í Fjölni 1843 á 11. bls.

Daginn eptir var aptur  
 upp stytt, svo að menn hittu  
 leið um snjófgar slóðir  
 storðar, og frost var orðið.

En það, sem mest jeg unni,  
 úti — Toppa og hrútur —  
 óvitringarnir ungu  
 einmana kuldann reyna.

Sekur var jeg og sækja  
 sjálfsagt hlaut jeg með þrautum  
 aleigu mína og ala  
 ötull bæði við jötu.

Hvernig fór? Hjer jeg gjarna  
 hjarta mannlegt um sanna,  
 að, hvað sem hinu líður,  
 hjartað gott skóp oss drottinn.

Jeg fann á millum fanna  
 í felling á blásvelli

lófa-lága við þúfu  
lítinn grátitling sýta.

Flogið gat ekki hinn fleygi,  
frosinn niður við mosa;  
augunum ótta-bljúgum  
á mig skaut dýrið gráa.

Hefði eg þá sjeð mjer hefði  
hundrað Toppum og undrum  
ótal hornéttra hrúta  
heitið drottinn, jeg votta:

Abrahams dýrðar dæmi  
drengur í litlu gengi  
aldrei á Ísafoldu  
eptir breytir, en neitar.

Kalinn drengur í kælu  
á kalt svell (og ljúft fellur)  
lagðist niður og lagði  
lítinn munn á væng þunnan —

Þíddi allvel og eyddi  
illum dróma með stilli,  
sem að frostnóttin fyrsta  
festi með væng á gesti —

Gesti yðar! Því ástar  
óhvikul tryggð til byggða  
vorra leiðir á vorum  
vegar-slinga titlinga.

Lítill fugl skauzt úr lautu,  
lofaði guð mjer ofar,  
sjálfur sat jeg í lautu  
sárglaður og með tárur.

---

Felldur em eg við foldu  
frosinn og má ei losast;  
andi guðs á mig andi,  
ugglaust mun eg þá huggast.

---

# Á SUMARDAGS-MORGUNINN FYRSTA 1842 \*.

Þökk sje þjer, guð! fyrir þenna blund,  
er þá jeg um síðstu vetrarstund;  
hann hressti mig, og huga minn  
huggaði fyrir máttinn þinn.  
Nú hefur sumar-sólin skær  
sofnaðan þínum fótum nær  
vakið mig, svo að vakni þín  
vegsemdin upp á tungu mín.

Höfundur, faðir alls, sem er,  
um alheimsgeiminn, hvar sem fer!  
þú, sem að skapar ljós og líf!  
landinu vertu sverð og hlíf;  
myrkur og villu og lyga lið  
láttu nú ekki standa við,  
sumarsins góða svo að vjer  
sannlega njótum rjett sem ber.

---

\*) Prentað í Fjölni 1843 á 14. bls.

Vorblómin, sem þú vekur öll,  
vonfögur, nú um dali og fjöll,  
og hafblá alda og himinskin  
hafa mig lengi átt að vin.

Leyfðu nú, drottinn! enn að una  
eitt sumar mjer við náttúruna;  
kallirðu þá, jeg glaður get  
gengið til þín hið dimma fet.

---

## ÁSTA \*.

Ástkæra, ylhýra málið,  
 og allri rödd fegra!  
 blið sem að barni kvað móðir  
 á brjósti svanhvítu;  
 móðurmálið mitt góða,  
 hið mjúka og ríka,  
 orð áttu enn eins og forðum  
 mjer yndið að veita.

Veiztu það, Ásta! að ástar  
 þig elur nú sólin?  
 veiztu að heimsaugað hreina  
 og helgasta stjarnan  
 skín þjer í andlit og innar  
 albjört í hjarta,  
 vekur þjer orð, sem þjer verða  
 vel kunn á munni?

---

\* ) Prentað í Fjölni 1843 á 15. bls.



Veiztu, að lífið mitt ljúfa  
þjer liggur á vörum?  
fastbundin eru þar ástar  
orðin blessuðu.

Losa þú, smámey! úr lási  
lítinn bandingja;  
sannlega sá leysir hina  
og sælu mjer færir.

---

## ANDVÖKU-SÁLMUR \*.



Svei þjer, andvakan arga!  
 uni þjer hver sem má.  
 Þú hefur mæðu-marga  
 myrkurstund oss í hjá  
 búið með böl og þrá,  
 fjöri og kjark að farga.  
 Fátt verður þeim til hjarga,  
 sem nóttin níðist á.

Myrkrið er manna fjandi,  
 meiðir það líf og sál,  
 sídimmt og síþegjandi,  
 svo sem helvítis bál  
 gjörfullt með gys og tál.  
 Veit jeg, að vondur andi  
 varla í þessu landi  
 sveimar um sumarmál.

---

\*) Prent. í Fjölni 1843 á 16. bls.

Komdu, dagsljósið dýra!  
 dimmuna hrektu brott;  
 komdu, heimsaugað hýra! —  
 helgan sýndu þess vott,  
 að ætíð gjörir gott —  
 skilninginn minn að skýra,  
 skepnunni þinni stýra;  
 jeg þoli ekki þetta dott.

Guðað er nú á glugga;  
 góðvinur kominn er,  
 vökumanns hug að hugga;  
 hristi jeg nótt af mjer,  
 uni því eptir fer.  
 Aldrei þarf það að ugga:  
 aumlegan grímu-skugga  
 ljósið í burtu ber.

---

## SÖKNUÐUR.

(BREYTT KVÆÐI. \*)

—

Man eg þig, mey!  
 er hin mæra sól  
 hátt í heiði blikar;  
 man eg þig, er máni  
 að mararskauti  
 sígur silfurblár.

Heyri eg himinblæ  
 heiti þitt  
 anda ástarrómi;  
 fjallbuna þylur  
 hið fagra nafn  
 glöð í grænum rinda.

Lít eg það margt,  
 er þjer líkjast vill  
 guðs í góðum heimi:

---

\*) Prentað í Fjölni 1843 á 18. bls.

brosi dagroða,  
blástjörnur augum,  
liljur ljósri hendi.

Hví hafa örlög  
okkar beggja  
skeiði þannig skipt?  
hví var mjer ei leyft  
lífi mínu  
öllu með þjer una?

Löngum mun eg,  
fyr hin ljósa mynd  
mjer úr minni líði,  
á þá götu,  
er þú ganga hlýtur,  
sorgaraugum sjá.

Sólbjartar meyjar,  
er eg síðan leit,  
allar á þig minna;

því geng eg einn  
og óstuddur  
að þeim dimmu dyrum.

Styð eg mig að steini,  
stirðnar tunga,  
blaktir önd í brjósti,  
hnigið er heimsljós,  
himinstjörnur tindra —  
eina þreyi eg þig.

---

## BJARNI THÓRARENSEN \*.

Skjótt hefur sól brugðið sumri,  
því sjeð hef eg fljúga  
fannhvíta svaninn úr sveitum  
til sóllanda fegri;  
sofinn er nú söngurinn ljúfi  
í svölum fjalldölum,  
grátþögull harmafugl hnípir  
á húsgafli hverjum.

Skjótt hefur guð brugðið gleði  
góðvina þinna,  
ástmögur Íslands hinn trausti  
og ættjarðar blóminn!

---

\* ) Prent. í Fjölni 1843 á 20. bls.

Á eitt skrifað exemplar af þessum erfiljóðum hafði Jónas sett stöku þessa:

Skáldið mitt var skjótt í leik:  
skauzt úr eldhúss þælu,  
líkt sem flygi langt frá reyk  
ljóss í veldis sælu.

Áður sat ítur með glöðum  
 og orðum vel skipti;  
 nú reikar harmur í húsum  
 og hryggð á þjóðbrautum.

Hlægir mig eitt það, að áttu  
 því uglur ei fagna,  
 ellisár örninn að sæti  
 og á skyldi horfa  
 hrafnaþing kolsvart í holti  
 fyrir haukþing á bergi;  
 floginn ertu sæll til sóla,  
 er sortnar hið neðra.

Glaðir skulum allir að öllu  
 til átthaga vorra  
 horfa, er hjeðan sá hverfur,  
 oss hjarta stóð nærri;  
 veit eg, er heimtir sjer hetju  
 úr harki veraldar  
 foringinn tignar, því fagna  
 fylkingar himna.



Kættir þú margan að mörgu,  
svo minnzt verður lengi,  
þýðmennið, þrekmennið glaða  
og þjóðskáldið góða!  
Gleðji nú guð þig á hæðum  
að góðfundum anda!  
friði þig frelsarinn lýða!  
far nú vel, Bjarni!

---

## SJERA ÞORSTEINN HELGASON \*.

Hvarma skúrir harmurinn sári  
 harðar æsti, minnst er varði;  
 vakna þeir ei, en sýta og sakna,  
 segjast ei skilja hvað drottinn vilji;  
 þegar í á und ísi bláum  
 ástarríka hjartað í líki  
 friðað og kalt er sofið, þeim sviður.  
 sakna og trega — en enginn vaknar!

Veit þá engi, að eyjan hvíta  
 átt hefur daga, þá er fagur  
 frelsisröðull á fjöllum og hálsa  
 fagurleiptrandi geislum steypiti;  
 veit þá engi, að oss fyrir löngu  
 aldir stofnuðu bölið kalda,  
 frægðinni sviptu, framann heptu,  
 svo föðurláð vort er orðið að háði.

---

\*) Prent. í Fjölni 1843 á 22. bls.

Veit þá engi, að eyjan hvíta  
 á sjer enn vor, ef fólkið þorir  
 guði að treysta, hlekki hrista,  
 hlýða rjettu, góðs að bíða;  
 fagur er dalur og fyllist skógi  
 og frjálsir menn, þegar aldir renna;  
 skáldið hnígur og margir í moldu  
 með honum húa, en þessu trúið!

Veit þá engi, að eyjan hvíta  
 átt hefur sonu fremri vonum —  
 hugðu þeir mest á fremd og frægðir,  
 fríðir og ungir hnigu í stríði;  
 svo er það enn, og atburð þenna  
 einn vil eg telja af hinum seinni:  
 vinurinn fagri oss veik af sjónum  
 að vonum, því hann var góður sonur.

Og góður sonur getur ei sjena  
 göfga móður með köldu blóði  
 viðjum reyrða og meiðslam marða,  
 marglega þjáða, og fá ei bjargað.

Guð er á himnum heima faðir  
og hrelldra barna, hvað sem veldur.  
Særði bróðir! siginn í værðir;  
hann sá þig glögg og ísi bláum.

---

## SJERA STEFÁN PÁLSSON \*.

---

“Móðir og faðir  
mjúk og ástríkur  
yfirgáfu þig  
á æskuskeiði”,  
en guð þín geymdi  
og gæðafjöld,  
lán og lífsfögnuð  
ljúflega veitti.

Treystir þú og falst þig  
hans tryggri hendi,  
ungur þjónn  
hans orða heilagra;  
nú ertu leiddur  
lífsbraut hreina  
alla að morgni  
eilífðardags.

---

\*) Prent. í Fjölni 1843 á 24. bls.

Hvað er skammlífi?  
 Skortur lífsnautnar,  
 svartrar svefnhettu  
 síruglað mók;  
 opt dó áttæður  
 og aldrei hafði  
 tvítugs manns  
 fyrir tær stigið.

Hvað er langlífi?  
 Lífsnautnin frjófa,  
 alefning andans  
 og athöfn þörf;  
 margopt tvítugur  
 meira hefur lifað  
 svefnugum segg,  
 er sjötugur hjarði.

Vel sje þjer, vinur!  
 þótt vikirðu skjótt  
 Frónbúum frá  
 í fegri heima.

Ljós var leið þín  
og lífsfögnuður;  
æðra eilífan  
þú öðlast nú.

Opt kvaðstu áður  
óskarómi  
heimfýsnarljóðin  
hugum þekku;  
vertu nú sjálfur  
á sælli stund  
farinn í friði  
til föðurhúsa.

---

## SÆUNN HAFKONA \*.

Þokan yfir vík og vogi  
votu fangi þögul grúfir,  
gnauðar fyrir svölum sandi  
sjór, en þegja vindar ljúfir.

Báran smáa strýkur steini  
(steinn er fyrir þangi bleikur);  
eins og sjer á köldum karli  
konan ung að hári leikur.

Hvað er á vogi? Hafmey fögur!  
Hratt hún fer og snýr að landi,  
leika fyrir hjörtu brjósti  
bárur ungar sívakandi.

## SKÁLDIÐ:

Hafmey fögur! hvaða hvaða!  
hárið bleikt af salti drýpur;  
vel skal strjúka vota lokka  
vinur þinn, sem hjá þjer krýpur.

---

\*) Prent. í Fjölni 1843 á 41. bls.



## SÆUNN:

Djúpt á mjúkum mararbotni  
 marbendlar mjer reistu höllu;  
 hingað svam eg hafs um leiðir,  
 hárið er því vott með öllu.

## SKÁLDIÐ:

Hafmey fögur! hvaða hvaða!  
 hönd og fótur — aldrei slíka  
 sá eg mynd í sólarheimi,  
 sinn þau eiga hvergi líka.

## SÆUNN:

Ein er gyðjan öllum fremri,  
 áður löngu úr hafi gengin,  
 fljóða prýði, fíra gleði,  
 fegri mjer, og síðan engin.

## SKÁLDIÐ:

Hafmey fögur! hvaða hvaða!  
 háls og brjóst að þúsundföldu  
 álitlegri eru og skærri,  
 enn Albert hjó úr steinum völdu.

## SÆUNN:

Ástarguð við brjóst mjer beygði  
boga sinn í fyrri daga,  
fyrirmynd því fann hann enga  
fegri — það er gömul saga.

## SKÁLDID:

Hafmey fögur! hvaða hvaða!  
köld ert þú sem mjöll á ísi:  
enginn roði kviknar á kinnum,  
kærum yl þótt augun lýsi.

## SÆUNN:

Bý eg undir kristals-krossi,  
kaldri skemmu straumar svala,  
bleikar eru báru dætur,  
blóðið er rautt í þernum dala.

## SKÁLDID:

Hafmey fögur! hvaða hvaða!  
hjartað slær og berst af mæði;  
hallaðu að mjer höfði þínu,  
hvíldu þig svo og þiggðu næði.

## SÆUNN:

Hjartað berst og hjartað titrar.  
hjartað slær og berst af mæði:  
því eg ann þjer miklu meira,  
mannsmynd kær! enn um eg ræði.

---

## DALVÍSUR \*.

Fífilbrekka! gróin grund!  
 grösug hlið með berjalautum!  
 flóatetur! fífusund!  
 fífilbrekka! smáragrund!  
 yður hjá eg alla stund  
 uni bezt í sæld og þrautum;  
 fífilbrekka! gróin grund!  
 grösug hlið með berjalautum!

Gljúfrabúi, gamli foss!  
 gilið mitt í kletta þröngum!  
 góða skarð með grasahnoss!  
 gljúfrabúi, hvítur foss!  
 verið hefur vel með oss,  
 verða mun það enn þá löngum;  
 gljúfrabúi, gamli foss!  
 gilið mitt í kletta þröngum!

---

\*) Prent. í Fjölni 1844 á 27. bls.

Bunulækur blár og tær!  
 bakkafögur á í hvammi!  
 sólarylur, blíður blær,  
 bunulækur fagurtær!  
 yndið vekja ykkur nær  
 allra bezt í dalnum frammi;  
 bunulækur blár og tær!  
 bakkafögur á í hvammi!

Hnjúkafjöllin himinblá!  
 hamragarðar! hvítir tindar!  
 heyjavöllinn horfið á,  
 hnjúkafjöllin hvít og blá!  
 skýlið öllu helg og há!  
 hlífið dal, er geysa vindar!  
 Hnjúkafjöllin himinblá!  
 hamragarðar! hvítir tindar!

Sæludalur, sveitin bezt!  
 sólin á þig geislum helli,  
 snemma risin seint er sezt.  
 Sæludalur, prýðin bezt!

þín er grundin gæðaflest,  
gleðin æsku, hvíldin elli.  
Sæludalur, sveitin bezt!  
sólin á þig geislum helli!

---

## SLÁTTUVÍSUR \*.

Fellur vel á velli  
 verkið karli sterkum,  
 syngur enn á engi  
 eggjuð spík og rýkur  
 grasið grænt á mosa,  
 grundin þýtur undir,  
 blómin bíða dóminn,  
 bítur ljár í skára.

Gimbill gúla þembir.  
 gleður sig og kveður:  
 "Veit jeg, þegar vetur  
 "vakir, inn af klaka  
 "hnífill heim úr drífu  
 "harður kemst á garða,  
 "góðir verða gróðar  
 "gefnir sauðarefni".

---

\*) Prent. í Fjölni 1844 á 28. bls.

Glymur ljárin, gaman!  
 grundin þýtur undir,  
 hreifir sig í hófi  
 hrífan ljett mjer ettir —  
 hept er hönd á skapti,  
 höndin ljósrar drósar.  
 Eltu! áfram haltu!  
 ekki nær mjer, kæra!

Arfi lýtur orfi,  
 allar rósir falla,  
 stutta lífið styttr  
 sterkur karl í verki —  
 hept er hönd á skapti,  
 hrífan ljett mjer ettir,  
 glymur ljárin, gaman!  
 grundin þýtur undir.

---



## JEG BIÐ AÐ HEILSA \*.

Nú andar suðrið sæla vindum þíðum;  
 á sjónum allar báurur smáar rísa  
 og flykkjast heim að fögru landi Ísa,  
 að fósturjarðar minnar strönd og hlíðum.

Ó! heilsað öllum heima rómi blíðum  
 um hæð og sund í drottins ást og friði;  
 kyssi þið, báurur! bát á fiskimiði,  
 blási þið, vindar! hlýtt á kinnum fríðum.

Vorboðinn ljúfi, fuglinn trúr, sem fer  
 með fjaðra blíki háa vegaleysu  
 í sumardal að kveða kvæðin þín!

Heilsaðu einkum, ef að fyrir ber  
 engil, með húu og rauðan skúf, í peysu;  
 þröstur minn góður! það er stúlkan mín.

---

\*) Prentað í Fjölni 1844 á 105. bls.

## ÓHRÆSIÐ\*.



Ein er upp til fjalla,  
 yli húsa fjær,  
 út um hamra hjalla,  
 hvít með loðnar tær,  
 brýzt í bjargarleysi,  
 her því hyggju gljúpa,  
 á sjer ekkert hreysi  
 útibarin rjúpa.

Valur er á veiðum,  
 vargur í fugla hjörð,  
 veifar vængjum breiðum,  
 vofir yfir jörð;  
 otar augum skjótum  
 yfir hlið, og lítur  
 kind, sem köldum fótum  
 krapsar snjó og bítur.

---

\*) Prentað í Fjölni 1845 á 22. bls.

Rjúpa ræður að lyngi —  
 raun er ljett um sinn —  
 skýzt í skafrenningi  
 skjót í krapsturinn,  
 tíur, mjöllu mætti,  
 mola, sem af borði  
 hrjóta kind hjá kærri,  
 kvakar þakkar-orði.

Valur í vígahuga  
 varpar sjer á teig,  
 eins og fiskifluga  
 fyrst úr löngum sveig  
 hnitar hringa marga;  
 hnífill er að bíta;  
 nú er bágt til bjarga,  
 blessuð rjúpan hvíta!

Elting ill er hafin,  
 yfir skyggir jel,  
 rjúpan vanda vafin  
 veit sjer búið hel;

eins og álmur gjalli,  
örskot veginn mæli,  
fleygist hún úr fjalli  
að fá sjer eitthvert hæli.

Mædd á manna bezta  
miskun loks hún flaug,  
inn um gluggann gesta  
guðs í nafni smaug —  
úti garmar geltu,  
gólið hrein í valnum —  
kastar hún sjer í keltu  
konunnar í dalnum.

Gæða-konan góða  
grípur fegin við  
dýri dauða-móða —  
dregur háls úr lið;  
plokkar, pils upp brýtur,  
pott á hlóðir setur,  
segir happ þeim hlýtur  
og horaða rjúpu jetur.

---

## ÞORKELL ÞUNNI\*.

Friðar biðjum Þorkeli þunna,  
þagnar er hann setztur við brunna:  
óskemmtileg æfi mun vera  
ekkert sjer til frægðar að gera.

Fyrrum hann í söngmanna sessi  
sagt er gæti tekið á vessi:  
há-beljandi glumdi við gleði,  
golufylltur naumast sjer rjeði.

Uppstigningar æðstum á degi  
engin von er söngmaður þegi.  
Hermdu, Bragi, höfðingi ljóða!  
hvernig gekk þá "skrímslinu góða"?

Að er komið útgöngusálmi —  
eins var það sem gneistar í hálmi,  
þegar rauðum þeytir upp glóðum.  
Þorkell verður allur að hljóðum.

---

\*) Prent. í Fjölni 1845 á 24. bls.

Hausinn upp að kórstaf hann keyrir,  
kúgast, svo úr nefinu dreyrir,  
úr sjer mäsar óskapa-roku,  
álíkt dimmri leirhverastroku.

Eins og þegar flugdrekar forðum  
fleyttu um loftið glóandi sporðum,  
skyggðu fyrir sólina sælu,  
sátu menn í gjörningabraelu —

Svo var inn í kórnum að kalla;  
kreppist hý á öldruðum skalla;  
sumir hættu sjálfir að drynja,  
sumir fóru að emja og stynja.

Allir snjeru augum frá jörðu,  
upp í rjáfrið grátandi störfu;  
skalf og sveigðist þakið út þanda  
Þerkels fyrir los uðum anda.

Geggjast allur guðsorða lestur,  
á grátunum tvístigur prestur,

hleypir nú í hempuna vindi,  
hrökkur út úr kirkjunni í skyndi.

Í sama bili er sálmurinn búinn,  
situr Keli móður og lúinn;  
öllum finnst, sem eitthvað sig dreymi,  
aldrei meiri þögn varð í heimi.

Djákni fyrstur raknar úr roti,  
rann sem mús úr nauðungarskoti,  
fær sjer bók og hættir að hrína,  
herðir sig með bænina sína.

En á meðan út er að klykkja,  
á er komin söguna lykkja —  
Þorkell æpir: “Hættu að hringja!  
hef jeg ekki lof til að syngja?”

Að svo mæltu aptur hann byrjar,  
upp og niður gengur og kyrjar;  
flýr þá, eins og fætturnir toga,  
fólk, sem stæði kirkjan í loga.

Seinna var hann sóttur í kórinn  
(svartur var þá á honum bjórin) —  
örendur og oltinn á hnakkann —  
á útgönguversinu sprakk hann.

---



## FORMANNS-VÍSUR \*.

## I. FRAMRÓÐUR.

Hafaldan háa!  
 hvað viltu mjer?  
 berðu bátinn smáa  
 á brjósti þjer,  
 meðan út á máa-  
 miðið eg fer.

Svalt er enn á seltu,  
 sjómenn vanir róa,  
 köld er undiralda,  
 árum skellur bára;  
 dylur dimmu jeli  
 dagsbrún jökulkrúna;  
 svæfill sinnir ljúfum  
 svanna heima í ranni.

---

\*) Prent. í Fjölni 1845 á 34. bls.

Föður minn á miði  
 móðir syrgði góðan —  
 köld er undiralda,  
 árum skellur bára;  
 bræður mína báða  
 bæjum sneyddi ægir —  
 svalt er enn á seltu,  
 sjómenn vanir róa.

Einatt ölduljóni  
 á óalegan sjóinn  
 hrundu hart um sanda  
 hraustir menn úr nausti;  
 heill kom heim að öllu  
 halur og færði valinn  
 hlut í háum skuti  
 hjúa til og búa.

Björgum enn til bjargar  
 báti, verum kátir!  
 Svæfill sinnir ljúfum  
 svanna heima í ranni;

nótt er enn, þótt ótta  
af sje liðin hafi;  
dylur dimmu jeli  
dagsbrún jökulkrúna.

Hræðumst lítt, þótt leiði  
löður árarblöðum  
eld í spor, og alda  
úfin froðu káfist;  
rjerum fast úr fjöru,  
fram gekk tamin snekkja  
vel á vogi svölum.  
Við erum nú á miði!

---

## II. SETA.

Mardöll á miði  
í myrkbláum sal!  
seiddu nú að sviði  
sækinda-val;  
láttu fara í friði  
fengsælan hal.

---

Stjóri sökk að sjávargrunnum,  
 situr yfir hvikum unnum  
 veiðimaður á valtri skeið;  
 förum öngul beittan beita,  
 báru knýja og fiska leita  
 þöngli nær á þorskaleið.

Bítur undir borði gráu;  
 blótaðu ekki seiði smáu,  
 slepptu því heldur, maður minn!  
 Jeg er að draga þorsk úr þara;  
 það varð honum feigðarsnara,  
 að hann glepti öngulinn.

Hjálpi drottinn höndum öllum!  
 hækkar dagur á austur-fjöllum,  
 senn á báru sólin skín.  
 Dragðu, sveinn! úr djúpi köldu  
 dagverð þinn, sem býr í öldu;  
 hlutartalan hækki þín!

Hvað mun hugsa þessi þorri,  
 þilju sem að undir vorri

háska-tólin hremma fer?  
þótt þeir sjái, sjeu dregnir  
synir þeirra, beitufegnir  
gamlir þorskar gleyma sjer.

Jeg hef varla við að draga;  
verði það sona alla daga,  
meðan nokkur maður rær!  
Nú er hlaðinn bátur að borði,  
blessaður unninn nægtafordi;  
þökk og heiður sje þjer, sær!

---

### III. UPPSIGLING.

Útrænan blíða,  
sem opt kysstir mig!  
láttu nú líða  
yfir leyptur-stig  
fleyið mitt fríða,  
svo faðmi jeg þig.

---

Reisum trje, svo renni að ósí  
rangajór, því langar stórum  
nú að heilsa bæ og búi  
háruþegn, er stýri gegnir;  
breiðum voð, svo gráan græði  
getum kvatt, því nóg er setið.  
Sælla vart er eitt að öllu,  
enn að sigla heim til kvenna!

Bíður kona heima á hlaði,  
hrædd og fegin seglið eygir,  
sjer að hleypur, hyggur steypist  
hrannaljón á djúpu lóni;  
vonin dregur, óttinn agar,  
undan lítur þá og flýtir  
sjer að kyssa sinn að blessa  
son og minn á rjóðar kinnar.

Herðið, drengir! hratt á strengjum.  
horfði við á goluborða  
nú að leystust tengslin traustu,  
teygir blakkur sævar makka;

geysa tekur gangi fúsum  
guoðin mín um hvíta boða.  
Sælla vart er eitt að öllu,  
enn að sigla heim til kvenna!

Lægjum voðir nú í næði,  
nóg er siglt, sem fyr var róið,  
knararstefni vel að vörum  
víkjum undan sævarríki.  
Þökkum drottni þeim, er hlotnast  
það oss ljét, að allir getum  
hraustir borið heim að nausti  
hlutarval úr fermdum skuti.

---

## FJALLIÐ SKJALDBREIÐUR \*.

(FERÐAVÍSUR FRÁ SUMRINU 1841.)

Fanna skautar faldi háum  
 fjallið, allra hæða val;  
 hrauna veitir bárum bláum  
 breiðan fram um heiðardal.  
 Löngu hefur Logi reiður  
 lokið steypu þessa við.  
 Ógna-skjöldur bungubreiður  
 ber með sóma rjettnefnið.

Ríð eg háan Skjaldbreið skoða —  
 skín á tinda morgunsól,  
 glöðum fágur röðul-roða  
 reiðar-slóðir, dal og hól.  
 Beint er í norður fjallið fríða  
 (fákur eykur hófa-skell),  
 sjer á leiti Lambahlíða  
 og litlu sunnar Hlöðufell.

---

\*) Prent. í Fjölni 1845 á 50. bls.



Vel á götu ber mig Baldur,  
 breiðkar stirðnað eldasund.  
 Hvenær hefur heims um aldur  
 braun það brunað fram um grund?  
 Engin þá um Ísafoldu  
 unað hafa lífi dýr;  
 enginn leit þá maður moldu,  
 móðu steins er undir býr.

Titraði jökull, æstust eldar,  
 öskraði djúpt í rótum lands,  
 eins og væru ofan felldar  
 allar stjörnur himna ranns;  
 eins og ryki mý eða mugga,  
 margur gneisti um loptið fló;  
 dagur huldist dimmum skugga,  
 dunaði gjá og loga spjó.

Belja rauðar blossa móður,  
 blágrár reykur yfir sveif,  
 undir hverfur runni, rjóður,  
 reyni-stóð í hárri kleif.

Blómin ei þá blöskrun þoldu,  
 blikna hvert í sínum reit,  
 höfði drepa hrygg við moldu —  
 himna drottinn einn það leit.

Vötnin öll, er áður fjellu  
 undan hárri fjalla þröng,  
 skelfast, dimmri hulin hellu,  
 hrekjast fram um undirgöng;  
 öll þau hverfa að einu lóni,  
 elda þar sem flóði sleit.  
 Djúpið mæta, mest á fróni,  
 myndast á í breiðri sveit.

Kyrirt er hrauns á breiðum boga,  
 blundar land í þráðri ró;  
 glaðir nætur glampar loga,  
 geislum sá um hæð og mó:  
 brestur þá og yzt með öllu  
 í undirhvelving hraunið sök;  
 dunar langt um himinhöllu,  
 hylur djúpið móða dökk.

Svo er treyst með ógn og afli  
 alþjóð minni helgað hjarg;  
 Breiður, þakinn bláum skafli,  
 bundinn treður foldar-varg.  
 Grasið þróast grænt í næði  
 glóðir þar sem runnu fyr;  
 styður völlinn hjarta bæði  
 berg og djúp — hann stendur kyr.

Hver vann hjer svo að með orku?  
 Aldrei neinn svo vígi hlóð:  
 búinn er úr bála-storku  
 bergkastali frjálstri þjóð.  
 Drottins hönd þeim vörnum veldur;  
 vittu barn! sú hönd er sterk;  
 gat ei nema guð og eldur  
 gjört svo dýrðlegt furðuverk.

Hamragirðing há við austur  
 Hrafna rís úr breiðri gjá;  
 varna-meiri veggur traustur  
 vestrið slítur bergi frá.

Glöggð eg skil, hví Geitskór vildi  
geyma svo hið dýra þing.  
Enn þá stendur góð í gildi  
gjáin kennd við almenning.

---

Heiðabúar! glöðum gesti  
greiðið för um eyðifjöll.  
Einn eg treð með hundi og hesti  
hraun — og týnd er lestin öll.  
Mjög þarf nú að mörgu hyggja,  
mikið er um dýrðir hjer!  
Enda skal eg úti liggja,  
engin vættur grandar mjer.

---

## VÍTI \*.

(ELDGÍGUR VESTAN UNDIR KRÖFLU-FJALLI.)

Bar mig á brenndum auri  
 breiðar um funa-leiðir  
 blakkur að Vítis-bakka,  
 blæs þar og nössum hvæsir.  
 Hvar mun um heiminn fara  
 halur yfir fjöll og dali  
 sá, er fram kominn sjái  
 sól að verra bóli?

Hrollir hugur við polli  
 heitum í blárri veitu —  
 Krafla með kynja afli  
 klauf fjall og rauf hjalla;  
 grimm eru í djúpi dimmu  
 dauða-org, þaðan er rauðir  
 logar yfir landið bljúga  
 leiddu hraunið seydda.

---

\*) Prent. í Fjölni 1845 á 53. bls.

## FREMRI NÁMAR \*.

Reið eg yfir bárubreið  
bruna-sund, en jóðunur  
(kalt var hregg og átt ill)  
ýtum skemmtu dálítið;  
holur nafar grjótt grefur —  
grunar mig að seint muni  
Úlfur karl, þótt aur skjálfi,  
ámur fylla úr þeim nám.

---

\*) Prent. í Fjölni 1845 á 54. bls.

---

## ALDARHÁTTUR \*.

(KVEÐIÐ Á REIÐ FYRIR NEÐAN FRÓÐÁ.)

---

Hingað gekk hetjan unga \*\*)  
 heiðar um brattar leiðir,  
 fanna mundar að finna  
 fríða grund í hríð stundum;  
 nú ræðst enginn á engi  
 (í ástarbáli fyr sálast),  
 styttubands storð að hitta,  
 stýrir priks yfir mýri.

---

\*) Prent. í Fjölni 1845 á 54. bls.

\*\*) Björn breiðvíkingakappi.

---

## FERÐALOK \*.

Ástarstjörnu  
yfir Hraundranga  
skýla næturský;  
hló hún á himni,  
hryggur þráir  
sveinn í djúpum dali.

Veit eg hvar von öll  
og veröld mín  
glædd er guðs loga.  
Hlekki brýt eg hugar  
og heilum mjer  
fleygi faðm þinn í.

Sökkvi eg mjer og sje eg  
í sálu þjer  
og lífi þínu lífi;

---

\*) Prent. í Fjölni 1845 á 54. bls.



andartak sjerhvert,  
sem ann þjer guð,  
finn eg í heitu hjarta.

Tíndum við á fjalli,  
tvö vorum saman,  
blóm í hárri hlíð;  
knýtti eg kerfi  
og í kjöltu þjer  
lagði ljúfar gjafir.

Hlóðstu mjer að höfði  
hringum ilmandi  
þjartra blágrasa,  
einn af öðrum,  
og að öllu dáðist,  
og greipst þá aptur af.

Hlógum við á heiði,  
himin glaðnaði  
fagur á fjallabrún;

alls yndi  
þótti mjer ekki vera  
utan voru lífi lífa\*).

Grjetu þá í lautu  
góðir blómálfar,  
skilnað okkarn skildu;  
dögg það við hugðum,  
og dropa kalda  
kysstum úr krossgrasi.

Hjelt eg þjer á hesti  
í hörðum straumi,  
og fann til fullnustu,  
blómknapp þann gæti  
eg borið og varið  
öll yfir æfiskeið.

Greiddi eg þjer lokka  
við Galtará  
vel og vandlega;

---

\*) Sb. Hávamál 98. er.

brosa blómvarir,  
blika sjónstjörnur,  
roðnar heitur hlýr.

Fjær er nú fagri  
fylgd þinni  
sveinn í djúpum dali:  
ástarstjarna  
yfir Hraundranga  
skín á bak við ský.

Háa skilur hnetti  
himingeimur,  
blað skilur bakka og egg;  
en anda, sem unnast,  
fær aldregi  
eilífð að skilið.

---

## UM HANA SYSTUR MÍNA\*.

---

Sáu þið hana systur mína  
sitja lömb og spinna ull?  
Fyrrum átti jeg falleg gull;  
nú er jeg búinn að brjóta og týna.

Einatt hefur hún sagt mjer sögu;  
svo er hún ekki heldur nízk:  
hún hefur gefið mjer hörpudisk  
fyrir að yrkja um sig bögu.

Hún er glöð á góðum degi —  
glóbjart liðast hár um kinn —  
og hleypur, þegar hreppstjórinn  
finnur hana á förnum vegi.

---

\*) Úr Grasaferðinni í Fjölni 1847 á 21. bls.

## DRAUGSVÍSUR \*.

Heygður var eg í haugi,  
 hægir mundu draugi  
 draumar um dimma grímu  
 og dags-höfginn þungi.  
 Nú er eg barinn af báru,  
 haugum er stolinn haugur,  
 horgreip og hryggur er barinn,  
 Hreiðar á sjer ekki leiði,  
 Hreiðar á sjer ekki leiði.

Aptur vil eg hverfa,  
 sem eg áður var,  
 undir græna  
 grundar skýlu;  
 beri, beri  
 bleikar kjúkur  
 Hreiðars í haug  
 að höfði mínu.

---

\*) Úr Hreiðarshól í Fjölni 1817 á 32. bls.

## VÍSUR ÍSLENDINGA\*

SUNGNAR Í HJARTAKERSHÚSUM 27. JÚNÍ 1835.

Hvað er svo glatt, sem góðra vina fundur,  
er gleðin skín á vonarhýrri brá?

Eins og á vori laufi skryðist lundur,  
lifnar og glæðist hugarkætin þá;  
og meðan þrúgna gullnu tárin glóa  
og guðaveigar lífga sálaryl,  
þá er það víst, að beztu blómin gróa  
í brjóstum, sem að geta fundið til.

Látum því, vinir! vínið andann hressa,  
og vonarstundu köllum þenna dag,  
og gesti vora biðjum guð að blessa  
og bezt að snúa öllum þeirra hag.  
Látum ei sorg nje söknuð vínið blanda,  
þó senn í vinahópin komi skörð;  
en óskum heilla og heiðurs hverjum lauda,  
sem heilsar aptur vorri fósturjörð.

---

\*) Áður prentaðar á lausu blaði.

Já heill og heiður, Halldór okkar góður!  
 þú hjartans beztu óskum kvaddur sjert:  
 því þú ert vinur vorrar gömlu móður  
 og vilt ei sjá að henni neitt sje gert.  
 Gakktu með karlmannshug að ströngu starfi,  
 studdur við dug og lagasverðið hjart,  
 og miðla þrátt af þinnar móður arfi  
 þeim sem að glata sínum bróðurpart.

Og heill og heiður, hinir landar góðu!  
 sem hólmann gamla farið nú að sjá,  
 þar sem að vorar vöggur áður stóðu  
 og vinarorðið fyrst á tungu lá.  
 Hamingjan veiti voru fósturláði,  
 svo verði mörgum deyfðarvana breytt,  
 allan þann styrk af ykkar beggja ráði,  
 sem alúð, fjör og kraptar geta veitt.

Það er svo tæpt að trúá heimsins glaumi —  
 því táradöggvar falla stundum skjótt,  
 og vinir berast burt á tímans straumi  
 og blómin fölna á einni hjelunótt;

því er oss bezt að forðast raup og reiði  
 og rjúfa hvergi tryggð nje vinarkoss;  
 en ef við sjáum sólskinsblett í heiði,  
 að setjast allir þar og gleðja oss.

Látum því, vinir! vínið andann hressa,  
 og vonarstundu köllum þenna dag,  
 og gesti vora biðjum guð að blessa  
 og bezt að snúa öllum þeirra hag;  
 því meðan þrúgna gullnu tárin glóa  
 og guðaveigar lífga sálaryl,  
 þá er það víst, að beztu blómin gróa  
 í brjóstum, sem að geta fundið til.

---



VEIZLUKVÆÐI TIL *GAIMARD* 1839\*.

Þú stóðst á tindri Heklu hám  
 og horfðir yfir landið fríða,  
 þar sem um grænar grundir líða  
 skínandi ár að ægi blám,  
 en Loki bundinn beið í gjótum  
 hjargstuddum undir jökulrótum.  
 ∴ Þótti þjer ekki Ísland þá  
 yfirbragðsmikið til að sjá? ∴

Þú reiðst um fagran fjalladal,  
 á fáki vökrum, götu sljetta,  
 þar sem við búann brattra kletta  
 æðandi fossar eiga tal,  
 þar sem að una hátt í hlíðum  
 hjarðir á beit með lagði síðum.  
 ∴ Þótti þjer ekki Ísland þá  
 íbúum sínum skemmtun ljá? ∴

---

\*) Áður prentað á lausu blaði.

Þú komst á breiðan brunageim  
 við hjarta vatnið fiskisæla,  
 þar sem vjer áður áttum hæla  
 fólkstjórnarþingi frægu um heim;  
 nú er þar þrotin þyrping tjalda  
 þögult og dapurt hraunið kalda.  
 ∴ Þótti þjer ekki Ísland þá  
 alþingi svipt með hrellda brá? ∴

Heilsar þjer nú á Hafnar slóð  
 heiman af Fróni vina flokkur —  
 vjer vitum glögggt að annstu okkur,  
 frakkneskur maður frjálsri þjóð;  
 því andinn lifir æ hinn sami,  
 þótt afl og þroska nauðir lami.  
 ∴ Menntanna brunni að bergja á  
 bezta skal okkur hressing ljá! ∴

Vísindin efla alla dáð,  
 orkuna styrkja, viljann hvessa,  
 vonina glæða, hugann hressa,  
 farsældum vefja lýð og láð;

tífalдар þakkir því ber færa  
 þeim, sem að guðdóms eldinn skæra  
 :: vakið og glætt og verndað fá  
 vizkunnar helga fjalli á! ::

Þvílíkar færum þakkir vjer  
 þjer, sem úr fylgsnum náttúrunnar  
 gersemar áður aldrei kunnar  
 með óþreytanda afli ber!  
 Heill sje þjer, Páll! og heiður mestur,  
 hjá oss sat aldrei kærri gestur.  
 :: Alvaldur greiði æ þinn stig,  
 Ísland skal lengi muna þig! ::

---

## ÍSLANDS MINNI \*.

Þið þekkið fold með blíðri brá  
 og bláum tindri fjalla  
 og svanahljómi, silungsá  
 og sælu blómi valla  
 og bröttum fossi, hjörtum sjá  
 og breiðum jökulskalla —  
 drjúpi hana blessun drottins á  
 um daga heimsins alla!

---

\*) Aður prentað á lausu blaði og sungið í sömu veizlu og næsta kvæði hjer á undan.

---

## KVEÐJA ÍSLENDINGA

TIL SJERA ÞORGEIRS GUÐMUNDSSONAR,

26. APRILS 1839\*.

Nú er vetur úr bæ,  
 rann í sefgrænan sæ,  
 og þar sefur í djúpinu væra;  
 en sumarið blítt  
 kemur fagurt og frítt  
 meður fjörgjafar-ljósinu skæra.

Brunar kjöll yfir sund,  
 flýgur fákur um grund,  
 kemur fugl heim úr suðrinu heita:  
 nú er vetur úr bæ,  
 rann í sefgrænan sæ,  
 nú er sumrinu fögnuð að veita.

Verum röskvir í dag,  
 kveðum víkingalag,

---

\*) Áður prentuð á lausu blaði.

svo menn viti vjer ætlum að berjast.  
 herjum flöskurnar á,  
 og það fari sem má,  
 og þeir falli, sem ná ei að verjast.

Verum glaðir í dag,  
 er í vinar vors hag  
 hefur veröldin maklega gengið;  
 senn er Glólundur grænn,  
 senn er Grashagi vænn,  
 þar mun gaman að reika yfir engið.

Þó vjer skiljum um stund,  
 þá mun fagnaðarfund  
 okkur fljótt bera aptur að höndum;  
 því að hjólið fer ótt,  
 því að fleyið er fljótt,  
 er oss flytur að Glólundar ströndum.

Þegar lauf skrýðir björk,  
 þegar ljósgul um mörk

rennur lifandi kornstanga móða:  
 þá mun farið af stað,  
 þá mun þeyst heim í hlað  
 til hans Þorgeirs í lundinum góða.

Þá mun sjón verða að sjá,  
 hvernig hirðinum hjá  
 þar í haganum sauða þrífst fjöldinn;  
 þá mun riðið í lund  
 til að stytta sjer stund,  
 þá mun staupunum glamrað á kvöldin.

Farðu glaður af stað,  
 leiði gæfan í hlað  
 þig á Glólundar hagsæla inni!  
 Vertu Þorgeir vor sæll!  
 vertu vinur vor sæll!  
 Þetta veri vort skilnaðar minni!

Hafðu þökk fyrir allt,  
 er þú varst oss ávallt,

nú mun vandhæfi slíkan að finna;  
veiti hamingjan þjer  
það, sem hugsum nú vjer,  
góði hugljúfinn bræðranna þinna!

---



## BORÐSÁLMUR \*.

### FORSÖNGVARINN:

Það er svo margt, ef að er gáð,  
sem um er þörf að ræða —  
jeg held það væri heillaráð  
að hætta nú að snæða.

### FÓLKID:

Heyri þið snáða!  
hvað er nú til ráða?  
Það mun best að bíða  
og hlýða.

### FORSÖNGVARINN:

Á einum stað býr þrífín þjóð,  
með þvegið hár og skjanna,  
við húsbændurnar holl og góð,  
sem hundrað dæmi sanna.

---

\* Áður prentaður á lausu blaði og sunginn í samkvæmi Íslendinga í Kaupmannahöfn 1839.

## FÓLKID:

Hvað er að tarna?  
 Hvað sagðirðu þarna?  
 Mættum við fá meira  
 að heyra!

## FORSÖNGVARINN:

Mjer hefir verið sagt í svip,  
 að sig hún taki að ygla,  
 og ætli nú að eignast skip,  
 þó enginn kunni að sigla.

## FÓLKID:

Við litlu má gera;  
 látum sona vera;  
 þeir ýtast þá með árum  
 á bárum.

## FORSÖNGVARINN:

Nú eru líka níu menn,  
 sem nóttina eiga að styttu,  
 þó varla nokkur viti enn,  
 hve vænlegt ráð þeir hitta.

## FÓLKID:

Segðu ekki lengur!  
 seinna veit, hvað gengur.  
 Mættum við fá meira  
 að heyra!

## FORSÖNGVARINN:

Á einum stað býr einnig fólk,  
 sem allt af vantar brýni;  
 það lifir þar á mysu og mjólk,  
 en mest á brennivíni.

## FÓLKID:

Æ, hvaða skrambi!  
 at! þeir standi á þambi?  
 Mættum við fá meira  
 að heyra!

## FORSÖNGVARINN:

Þar hefir verið sofð sætt,  
 en sungið nokkru miður;  
 og ullin fremur illa tætt,  
 en allra bezta fiður.

## FÓLKID:

Atl' það sje undur,  
 þótt á þá renni blundur!  
 Mættum við fá meira  
 að heyra!

## FORSÖNGVARINN:

Þar eru blessuð börnin frönsk.  
 með borðalagða húfu,  
 og yfirvöldin illa dönsk  
 á annari hverri þúfu.

## FÓLKID:

Hættu nú, herra!  
 hjer mun koma verra,  
 sem þjer er betra að þegja um,  
 enn segja um.

---

## LEIÐARLJÓÐ

TIL JÓNS SIGURÐSSONAR, ALÞINGISMANNS,  
 VORIÐ 1845 \*.

Byr um gráð þig heri  
 bugþægur, flugnægur;  
 frói þjer á flóa  
 fundur Ísagrundar.  
 Sjáðu land, er leiðir  
 ljós um bláa ósa  
 glöðust sól og glæðir  
 Glámutind í vindum.

Tygja þá og teygja  
 tá láttu jó gráan  
 (hvítur hæfir snotrum  
 hestur framagesti);  
 móður fyrst og föður  
 finndu, svo í skyndi  
 reið um háar heiðar  
 hertu slingur að þingi.

---

\*) Áður prent. á lausu blaði.

Hyggjum víst, að vestan  
 ver ókunnan beri  
 (járnum jörðu spornar  
 jór) að klifi stóru;  
 þá er sem að sjáum:  
 sveif bifun þig yfir  
 hvarmahreggs á barmi  
 hámm Almannagjáar.

Breiðir kvöldið blíða  
 bláan yfir sjáinn  
 ljósa blæju, hýsa  
 hængir í marsængu,  
 hátt um hraunið kletta  
 hylja runnar, dylja  
 kjarngrös kaldar firrnir,  
 knýr ramur foss hamar.

Búðafjöldinn báða  
 bakka fríða skryðir  
 Öxarár; en vaxa  
 eina þar um steina

möðrur mjög og öðrum  
mjúk túnblæja hjúkrar,  
hunangsfluga holu  
hyggín marga byggir.

Autt er enn að mönnum  
alþingi; talslingra  
hölda (hvað mun valda?)  
hafa reiðir tafízt?  
Nei! ef satt skal segja,  
sunnanfjalls þeir spjalla;  
þingið fluttu þangað  
þeir á kalda eyri.

Hlýjan bústað býja  
biðjum þjer að liði  
verða; þiggðu værðir  
værar á grund kærri.  
Elt svo hina, haltu  
hugprúður til búða  
Víkur; við þig leiki  
völin á mölinni.

---

## SKRÆLINGJAGRÁTUR \*.

Naha, naha!

Báglega tókst með alþing enn,  
naha, naha, naha!

Það eru tómir dauðir menn;  
naha, naha, nah!

Það sjest ekki á þeim hams nje hold,  
naha, naha, naha!

og vitin eru svo full af mold;  
naha, naha, nah!

Og ekkert þinghús eiga þeir,  
naha, naha, naha!

og sitja á hrosshaus tveir og tveir;  
naha, naha, nah!

---

\*) "Einn sorglegur kviðlingur út af alþingi, saman settur af Ívari Bárðarsyni. Viðeyjar-Klaustri. Þrykkt seinast af öllu, þegar bókþrykkiríð niður lagðist." Allt saman fyrrsögu höf.



Þeir hafa hvorki kokk nje pott,  
     naha, naha, naha!  
 og smakka hvorki þurrt nje vott;  
     naha, naha, nah!

Og hvergi fá þeir kaffibaun,  
     naha, naha, naha!  
 og eru svangir og blása í kaun;  
     naha, naha, nah!

Og bragða hvorki brauð nje salt,  
     naha, naha, naha!  
 og þegja allir og verður kalt;  
     naha, naha, nah!

Þeir deyja aptur úr kulda og kröm,  
     naha, naha, naha!  
 Og holtið er grátt og kvölin söm;  
     naha, naha, nah!

---

## EIN VELMEINT BÆNARÁMINNING.

Þegar þú kemur þar í sveit,  
 sem þrímennt er á dauðri geit  
 og tíkargörn er taumbandið  
 og tóuvömb er áreiðið  
 og öllu snúið öfugt þó,  
 aptur og fram í hundamó,  
 svo reiðlagið á ringli fer  
 og róan horfir móti þjer.  
 veittu þá illri bræði bið\*,  
 hölvaðu ei, nje skirptu\*\* við —  
 en signdu þig, og seztu inn  
 sunnan og fram í jökulinn;  
 lúttu þar að, sem loginn er,  
 og láttu bráðna utan af þjer,  
 og seinna, þegar sólin skín,  
 sendu geisla með boð til mín.

---

\*) Jónas hefur breytt þessu vísuorði; en sú breyting hefur ekki orðið lesin.

\*\*) óljóst í handr.

---

## NÝHENDA \*.

---

Er hann að syngja enn sem fyr,  
 arnaryjelið sá hann — attan:  
 “klingling” hringja kleprarnir  
 við karlinn hjelugráan — skrattann.

---

## RÍMNA-ERINDI.

---

Vona eg dúna dreka lín  
 á Dáins fleyi náms um haf  
 við gullhúna hengi fin  
 hýruþvegið náðartraf.

---



---

\*) Sb. “Nýhendu má nefna þó  
 nokkuð þokkalega braginn.”

## MÁL SVÖRN.

---

Feikna þvaður fram hann bar —  
fallega þó hann vefur!  
lagamaður víst hann var,  
varði tóu refur.

---

## SJERA BESSI.

---

Bessi á sjer berhross,  
breiðir snoturt áreiði,  
gæsarham, og guðvís  
getur fettur rjett setið,  
skeiðar svo, og lífs leið  
lýðum kennir tíð þenna;  
gumar, sem hans gabh nema,  
grýtast til helvítis.

---

## BÓSI.

---

Bósi! geltu, Bósi minn!  
en bíttu ekki, hundur!  
ella dregur einhver þinn  
íllan kjapt í sundur.

Hafðu ekki á þjer heldra smíð  
höfðingja, sem brosa,  
en eru sona aptan við  
æru manns að tosa.


---

## HELVÍTI.



Mjer finnst það vera fólsku gys  
að fara niður til helvítis  
og eyða aldri sínum  
innan um brennu illan geim,  
ólíkan drottins sólarheim,  
svo hrollir huga mínum.

Skötubarðvængjuð fjanda fjöld  
flaksast þar gegnum eilíft kvöld,  
glórir í glóðir rauðar;  
þar er ei nema eldur og ís,  
allt í helvíti brennur og frýs,  
Satan og sálir dauðar.



ALSNJÓA.

---

Eilífur snjór í augu mín  
út og suður og vestur skín,  
samur og samur út og austur:  
einstaklingur! vertu nú hraustur.

Dauðinn er hreinn og hvítur snjór,  
hjärtavörðurinn gengur rór  
og stendur sig á blæju breiðri,  
býr þar nú undir jörð í heiðri.

Víst er þjer, móðir, annt um oss:  
aumingja jörð með þungan kross  
ber sig það allt í ljósi lita,  
lífð og dauðann, kulda og hita.

---

## KULDI.

---

Dönum verður hjer allt að ís —  
undir eins og dálítið frýs,  
botnfrosinn belgur hver  
kúrir, þar sem hann kominn er,  
kútveltist og formælir sjer.

---



## VEÐURVÍSUR.

## HART VOR.

Hóla bítur hörku bál,  
hrafnar jeta gorið,  
titlingarnir týna sál —  
tarna er ljóta vorið!

## VORNÆÐINGUR.

Út um móinn enn er hjer  
engin gróin hola;  
fífltóin fölnuð er —  
farðu í sjóinn, gola!

## SUNNANVINDUR.

Sunnanvindur sólu frá  
sveipar linda skýja;  
fannatinda, björgin blá,  
björk og rinda ljómar á.

## SUMARHRET.

Nú er sumar í Köldukinn —  
kveð eg á millum vita —

fyr má nú vera, faðir minn!  
enn flugurnar springi af hita.

## MOLLA.

Veðrið er hvorki vont nje gott,  
varla kalt, og ekki heitt;  
það er hvorki þurrt nje vott,  
það er svo sem ekki neitt.

## NÍÐAÞOKA.

Búðarloka úti ein  
er að gera á ferðum stans --  
úðaþoka hvergi hrein,  
hún er úr nösun andskotans.

## RIGNING.

Skuggabaldur úti einn  
öli daufu rennir;  
skrugguvaldur\* hvergi seinn  
himinraufar glennir.

---

\*) *Jupiter*, þrumugað.

## UTSYNNINGUR.

Útsynningur yglir sig,  
eilífa veðrið sækur mig;  
jég skjögra eins og skorinn kálfur —  
skyldi' jeg vera þetta sjálfur!

---

# ÚR SALTHÓLMSFERÐ \*.

---

Sá eg í Háarskógi  
 hindir bíta  
 grasið græna  
 og gullinknappa;  
 þá voru blöðrur  
 á báðum fótum  
 og iljar illsárar  
 á aumum mjer.

Gekk eg í Gripskógi,  
 gola þaut í laufi,  
 flaug örn yfir  
 ormur skreið í mosa;  
 þá var dauðlegt,  
 er dagskvöldi á  
 þutu vargar  
 und viðarrótum.

---

\*) dálítilli óprentaðri ferðasögu eptir Jónas.

## VALDI \*.

---

Valdi! virztu nú halda  
vel mjer í stjél, sjera!  
eg skal gefa þjer afar  
ætílegt sælgæti:  
lambasteik, svo þjer líki,  
ljómandi skyr og rjóma,  
Valdi! viljirðu halda  
vel mjer í stjél, sjera!

---

\*) hundur, sem Jónas átti og reiddi yfir á að baki sínu.

---

## Í BRJEFI TIL KAUPMANNAHAFNAR

FRÁ ESKIFIRÐI 17. OKT. 1842.

---

Ferðbúinn þegar fjallatinda  
foringinn mjúka leysir vinda —  
og þótt eg jafnvel þyrfti að synda —  
þýt eg af stað að hitta þig,  
“fantur! biddu nú fyrir mig”,  
meðan eg er á haf að hrinda  
hlunnadýrinu stóra.  
Oraróra oraróraróra!

---

## LÍTILL LEIKUR.

---

Grímur er nýbúinn að taka tá af vinnukonu. Hún grætur og saknar sinnar tár. Þá kemur huggarinn að rúminu; hann kvað:

Hættu að gráta, hringaná!  
 heyrðu ræðu mína:  
 jeg skal gefa þjer gull í tá,  
 þó Grímur taki þína.

Vinnukonan saknar sinnar tár; hún grætur. Þá kvað huggarinn:

Hættu að gráta, hringaná!  
 huggun er það meiri:  
 jeg skal gefa þjer gull í tá,  
 þó Grímur taki fleiri.

Vinnukonan saknar sinnar tár; hún grætur enn. Þá kvað huggarinn:

Hættu að gráta, hringaná!  
 huggun má það kalla:  
 jeg skal gefa þjer gull í tá,  
 þó Grímur taki þær allar.

Vinnukonan saknar sinnar tár. Huggarinn fer. Þá kemur Grímur og tekur allar tærnar. Vinnukonan grætur.

---

## ÚR BRJEFÍ.

---

Ykkur að borga ber  
og bullumsullum veita,  
.|. meðan að andinn er :|:  
sem sól að skína gegnum gler  
á gollurshúsið feita,  
:|: sem býr í brjósti mjer. :|:

---



## VESTURFÖR.

Ein SPÁNÝ OG GAMANSÖM BINDINDISKVIÐA.

---

Að utan og sunnan og austan eg spyr,  
að á sjeu vestrinu stóreflis dyr,  
og, eins langt og manns auga út um þær sjer,  
sje ekkert af neinu og í hurðinni gler.

Hann Brynjólfur veltist um bárum á kút  
að búðarhurð þeirri og gægðist þar út  
og kallar og segir: “Eg kom hjer um sinn  
að kaupa mjer seytil á legilinn minn”.

Og svo er mjer frá skýrt, að lýður þess lands  
það ljeti, sem til var, á pyttluna hans;  
og svo valt hann aptur og settist í bú  
og segir: “Guðvelkomnir! drekki þið nú!”

Vjer lofum og prísum þann metnaðarmann,  
til mikilla stórlauna kaupför hans vann;  
því ókeypis veitir hann öllum og jafnt,  
og aldregi lækkar á pyttlunni samt.

Hann lifi og ríki nú leglinum á!  
vjer lofum og prísum hann hjeðan í frá;  
en tappann úr vestkútnum taka er mál  
og tæma svo höfðingjans kaupfararskál.

---

SPARNADUR.

---

Eg er kominn upp á það,  
allra þakka verðast,  
að sitja kyr í sama stað  
og samt að vera að ferðast.

Ef enginn talar orð við þig  
(á það skylduð hlýða),  
þá er að tala við sjálfan sig  
og svo er um það að ríða.

---

## SÓLSETURSLJÓÐ \*.

Hóglega, hæglega,  
 á hafsæng þýða,  
 sólin sæla!  
 síg þú til viðar.  
 Nú er um heiðar  
 himinbrautir  
 för þín farin  
 yfir frjófga jörð.

Halla þú, röðull!  
 höfði skínanda  
 bráhýr, brosfagur  
 að brjósti ránar,  
 sæll og sólhjartur,  
 sem þá er stefndir  
 bratta braut  
 á bogann uppsala.

---

\*) Sb. *Attila* eptir G. P. R. James.

Blessuð, margblessuð,  
 ó blíða sól!  
 blessaður margfalt  
 þinn beztur skapari!  
 fyrir gott allt,  
 sem gjört þú hefur  
 uppgöngu frá  
 og að enda dags.

Dreifðir þú, dagstjarna!  
 dimmu nætur,  
 glöð, af glóbreiðri  
 götu þinni;  
 ljós fjekkstu lýðum  
 langar, á gangi,  
 dagstundir dýrar,  
 ó dagstjarna!

Vaktir þú fugla  
 og fögur blóm vaktir,  
 söng þjer að syngja  
 og sætan ilm færa.

Hníg nú hóglega,  
 hægt og blíðlega,  
 vegþreytir vindsala!  
 ó vegstjarna!

Hníg nú hóglega  
 í hafskautið mjúka,  
 röðull rósfagur!  
 og rís að morgni,  
 frelsari, frjófgari,  
 fagur guðs dagur!  
 blessaður, blessandi,  
 blíður röðull þýður!

Hóglega, hæglega  
 hníg þú að hvílu,  
 skeiðþreytir skjótur!  
 en skamma hríð þó  
 bíð þú, að ástar-  
 augum hlýjum  
 bládöggvað brosir  
 á brjóst jarðar.

Drag nú hið blástirnda,  
 blysum leiptranda  
 salartjald saman  
 yfir sæng þinni;  
 brosi boðandi,  
 að af beði munir  
 bráðlega hresstur  
 á himin snúa.

Vonin vorblíða,  
 vonin ylfrejófa  
 drjúpi, sem dökk,  
 af dýrðar hönd þinni,  
 döpur mannhjörtu  
 í dimmu sofandi  
 veki, sem vallblómin  
 vekur þú á morgni.

Mynd guðs hin máttka!  
 mjúkir draumar  
 glaðlega vakna  
 við geisla þína,

eins og náttöldur  
 norðurstrauma  
 bláljósar blikar  
 birtu þína við.

Hníg því hóglega  
 í hafskautið mjúka,  
 röðull rósagur!  
 og rís að morgni,  
 frelsari, frjófgari,  
 agur guðsdagur!  
 blessaður, blessandi,  
 blíður röðull þýður!

Hóglega, hæglega  
 hníg þú að hvílu,  
 skeiðþreytir skjótur!  
 en skamma hríð þó  
 leng hinar blíðu,  
 bjarmaljúfu,  
 ástarauðugu  
 aptanstundir.



Skrýð þig svo aptur  
 skrúða gulldregnum.  
 morgunskrúða  
 menn gleðjanda;  
 bú þig að öllu  
 upp að koma  
 fagur og fram bruna  
 í fullu veldi.

Og bjarma breið  
 á brúnir fjalla,  
 áður ljósan dag  
 leiðir á himin;  
 leng þú blessaðan  
 blíðu roða  
 uppkomu þinnar  
 og undirgöngu.

Vekur þú von  
 og vekur þú bæn,  
 hvenær sem dapri  
 dimmu hrindir

og augu kætir  
allrar skepnu;  
þökk er og lofgjörð  
á þinni leið.

Vekur þú von  
og vekur þú bæn,  
er þú í ljóma  
líður af himni,  
aptur í ljóma  
upp að renna;  
þökk er og lofgjörð  
á þinni leið.

Hníg þú hóglega  
í hafskautið mjúka,  
röðull rósfagur!  
og rís að morgni,  
frelsari, frjófgari,  
fagur guðsdagur!  
blessaður, blessandi,  
blíður röðull þýður!

---

## VORVÍSUR \*.

---

Vorið góða, grænt og hlýtt,  
græðir fjör um dalinn:  
allt er nú sem orðið nýtt,  
ærnar, kýr og smalinn.

Kveður í runni, kvakar í mó  
kvikur þrastasöngur;  
eins mig fýsir allt af þó  
aptur að fara í göngur.

---

\*) Jónas hefur sjálfur eignað *Heine* efnið í þessum vísum  
að nokkru leyti.

---

## VORKVÆÐI.

Tinda fjalla,  
áður alla  
undir snjá,  
sín til kallar sólin há;  
leysir hjalla,  
skín á skalla,  
skýi sem að brá  
og sjer fleygði frá.

Tekur buna  
breið að duna  
björgum á,  
græn því una grundin má;  
viður hruna  
vatna funa  
vakna lauf og strá —  
seinna seggir slá.

Snjórinn eyðist,  
 gata greiðist,  
 gumar þá,  
 ef þeim leiðist, leggja á  
 hleypa skeið  
 og herða reið  
 og hrinda vetri frá —  
 hverfur dimmu dá.

Prúðir sækja  
 lón og læki,  
 laxar þá;  
 sumir krækja silungsa —  
 veiðitækir,  
 spordásprækir,  
 spretti hörðum á  
 fjalli fýsast ná.

Fjaðraljettir  
 flokkar þjettir  
 fugla þá  
 synda ettir sumará,

eða mettir  
 strönd og stjettir  
 stíka til og frá,  
 kæta lopt og lá.

Ærin ber  
 og bærinn fer  
 að blómgast þá,  
 leika sjer þar lömbin smá.  
 Nú er í veri  
 nóg að gera  
 nóttu hjartri á —  
 hlutir hækkað fá.

Grænkar stekkur —  
 glöð í brekku  
 ganga kná  
 börnin þekku bóli frá;  
 kreppir ekki  
 kuldahlekkur,  
 kætist fögur brá  
 búa blómum á.

Rennur sunna —  
 sveinn og nunna  
 sjer við brá,  
 sízt þau kunna sofa þá;  
 sætt er að unnast —  
 mjúkum munni  
 málið vaknar á,  
 fegurst höldum hjá.

Ekkert betra  
 eg í letri  
 inna má —  
 svo er vetri vikið frá;  
 uni fleti  
 hver sem getur  
 heimskum gærum á —  
 önnur er mín þrá.

---

## SÓLHVÖRF.

(22. DES. 1844.)

Eilífur guð mig ali,  
 einn og þrennur, dag þenna!  
 lífa vil eg, svo ofar  
 enn eg líti sól renna.  
 Hvað er glatt, sem hið góða  
 guðs auga? Kemur úr suðri  
 harri hárrar kerru,  
 hjarðar líkn og jarðar.

## JÓLAVÍSA.

Jólum mínum uni eg enn —  
 og þótt stolið hafi  
 hæstum guði heimskir menn:  
 hef eg til þess rökin tvenn,  
 að á sælum sanni er enginn vafi.



## STÖKUR.

Enginn grætur Íslending,  
einan sjer og dáinn;  
þegar allt er komið í kring,  
kyssir torfa náinn.

Mjer er þetta mátulegt!  
mátti vel til haga,  
hefði eg betur hana þekkt,  
sem harma eg alla daga.

Lifðu sæl við glaum og glys,  
gangi þjer allt í hagin!  
í öngum mínum erlendis  
yrki eg skemmsta daginn.

Sólin heim úr suðri snýr,  
sumri lofar hlýju;  
ó að eg væri orðinn nýr  
og ynni þjer að nýju!

## AUGUN.



Augun raunar eru þín,  
upplitsbjarta stúlkan mín!  
hitagler, ef hlýna:  
sólar geislum innan að  
(eg er búinn að reyna það)  
safna þau, svo bríma það  
brennir vini þína.

---

## MÓÐURMISSIR.



Leiði minnar móður  
(mold grær holdi kær;  
andi sæll með öndum  
unir) sæt tár væta.

Blessi jörð (en verðum  
vinnu dýrri sinna)  
hæstur guð, sem mesta  
hylur von góðs sonar.



## HUGNUN.

Nautgæfa fóðurgrasið grær  
 á leiði móður þinnar þjáðu.  
 Því ertu hljóður, frændi? Sjáðu,  
 hvað bóndi góður býr og slær.

Þúfu, sem slær hann, undir er  
 sú ein, sem kæran haft þig hefur,  
 í hjúpi væran dúr hún sefur;  
 heytuggu nær hann handa sjer.

Þar er nú prýðin fljóða frægst,  
 móðurorð blíð á mjúkum vörum,  
 málfærið þýða, ljúft í svörum,  
 upplitið fríða, ástarnægst.

Seinna meir skaltu sama veg;  
 raunar er kalt í rúmi þröngu,  
 og rökkrið svalt — en fyrir löngu  
 veiztu það allt eins vel og jeg.

Nú færðu ekki að sjá um sinn  
meira af rekkju móður þinnar,  
maðkurinn þekkir skrautið innar —  
því hlærðu ekki, herra minn?

---

## TIL G. THÓRARENSENS.

VIÐ LÁT MÓÐUR HANS.

Þá saztu úti undir húsagarði,  
 en eptir litla stund hún kom í móti  
 þjer, sem að áður varst með sorg í sinni,  
 og sagði: “Rjettu koss að móður þinni”.\*

Og nú er aptur hryggð í huga þjer,  
 en hversu þyngri ljettum drengja tárur!  
 nú skilst þjer, vinur! “einmana” hvað er,  
 þar einn þú hrekest í dimmum harma bárum;  
 nú veiztu, hvernig hjartað brjóstið ber,  
 er blóðið logar þar í djúpum sárum,  
 og aldrei kemur optar þig að hugga  
 þín elsku móðir, falin dauðans skugga.

Það sviður — aldrei optar líta fær  
 þú augna ljósið fyrsta og skærsta þinna;  
 ó hvað er vorið, meðan moldin grær  
 á móðurleiði? til hvers er að vinna?

---

\*) Sb. Fjölni 1844 á 106. bls.

Það sviður — aldrei optar, vinur kær!  
þú athvarf skalt í móður skjóli finna;  
harnaðu þreyttan þig á nótt og degi,  
í þögn og kyrrð, svo hryggðin sigra megí.

---

EPTIR *MAREN HAVSTEEN.*

---

Sem þá á vori sunna hlý  
sólgeislum lauka nærir  
og fífilkoli innan í  
óvöknuð blöðin hrærir:  
svo vermir fögur minning manns  
margt eitt smáblóm um sveitir lands  
frjófgar og blessun færir.

---



## EPTIR TÓMAS SÆMUNDSSON.

—

“Dáinn, horfinn” — harmafregn!  
 hvílikt orð mig dynur yfir!  
 En eg veit að látinn lifir;  
 það er huggun harmi gegn.  
 Hvað væri ella guðleg gjöf,  
 geimur heims og lífið þjóða?  
 hvað væri sigur sonarins góða?  
 Illur draumur, opin gröf.

Nei, eg vil ei hæða hinn  
 lifandi föður allra anda,  
 ástina þína, verkin handa,  
 dýrðina þína, drottinn minn!  
 Fast eg trúi: frá oss leið  
 vinur minn til vænna funda  
 og verka frægra, sæll að skunda  
 fullkominunar fram á skeið.

Djúpt í guðs og mannsins mynd,  
 alið sem að ungbarn þiggur  
 eilífur gneisti fólginu liggur,  
 ef að hann kæfir ekki synd.  
 Sannlega veit eg, syndgar hver;  
 þó eru nokkrir, Christi krossi  
 og kenning studdir, andans hnossi  
 vaxnir — og Tómas víst það er.

En þá fósturfoldin hans!  
 Hví vill drottinn dýrðarríkur  
 duptinu varpi jafnskjótt slíkur  
 andi hennar mesta manns?  
 hví vill drottinn þola það?  
 landið svipta svo og reyna,  
 svipta það einmitt þessum eina,  
 er svo margra stóð í stað.

Efa, maður! ei það ráð.  
 Eitt eg veit um alla vegu  
 alheims speki dásamlegu,  
 þeir eru einskær ást og náð.

Felum drottins föðurbönd  
 harma vora og hjartaþunga —  
 hann á sjálfur gamla og unga,  
 frjáls að leysa líkamsbönd.

Veit eg og hans verða spor,  
 svo þó Tómas frá oss færi,  
 fullvel er það sem hann væri  
 enn þá mitt á meðal vor;  
 lengi mun hans lífa rödd,  
 hrein og djörf, um hæðir, lautir,  
 húsín öll og víðar brautir,  
 er Ísafold er illa stödd.

Sú er hin mikla blessun bezt  
 allra þeirra, er meira megna,  
 enn munninn fylla og sínu gegna,  
 að þegar þeir deyja, þá er hún mest.  
 Hver, sem vinnur landi og lýð,  
 treysta skal að öll hans iðja  
 allt hið góða nái styðja  
 þess fyrir hönd, er hóf hann stríð.

Sízt vil eg tala um svefn við þig;  
þreyttum anda er þægt að blunda  
og þannig bíða sælli funda —  
það kemur ekki mál við mig.  
Flýtt þjer, vinur! í fegra heim;  
krjúptu að fótum friðarboðans  
og fljúgðu á vængjum morgunroðans  
meira að starfa guðs um geim.

---

## Á SJÓ OG LANDI.

---

## ÓLAFSVÍKURENNI.

Riðum við fram um flæði,  
flúðar á milli og gráðs,  
fyrir Ólafsvíkurenni,  
utan við kjálka láðs.

Fjörðurinn hjartur og breiður  
blikar á aðra hlið,  
tólf vikur fullar að tölu —  
tvær álnir hina við.

Hvort á nú heldur að halda  
í hamarinn svartan inn,  
ellegar út betur — til þín,  
Eggert, kunningi minn?

---

## HORNBJARG.

Yzt á Hornströndum heitir  
Hornbjarg og Kópatjörn;  
þeir vita það fyrir vestan,  
þar verpir hvítur örn.

Um sumarnótt, er sveimar  
sól yfir norðurslóð  
og þoka sígur um sjóinn  
hann situr rauður sem blóð.

Og örninn lítur ekki  
o'n á hið dimma haf  
og horfir í himinljómann —  
hafskipið sökkur í kaf.

## DRANGEY.

Tíbrá frá Tindastóli  
titrar um rastir þrjár;  
margt sjer á miðjum firði  
Mælifellshnjúkur blár.

Þar rís Drangey úr djúpi,  
dunar af fuglasöng  
hjargið, og báðu megin  
beljandi hvalaþröng.

Einn gengur hrútur í eygni;  
Illugi Bjargi frá  
dapur situr daga langa  
dauðvona bróður hjá.

---

#### KOLBEINSEY.

Bræðurnir sigldu báðir,  
burtu frá ungri mey,  
langt burt frá systur sinni  
að sækja í Kolbeinsey.

Þar er svo dúnað í dúni,  
að djankinn liggur þar  
bara bráðendis hlessa  
og breiðir út lappirnar.

Ömurlegt allt mjer þykir,  
útnorður langt í sjá;  
beinin hvítna þar beggja  
bræðranna klettinum á.

---

MÁNEY.

Jeg uni mjer ekki út í Máney,  
og er hún þó skemmtileg;  
brimaldan ber þar og lemur  
hjargið á annan veg.

Og hins vegar ungar hrjóta  
úr hreiðrum með nef og stjél,  
og eggín velta öll o'n í grjótið,  
af því hún hristist svo vel.

Jeg uni mjer ekki út í Máney  
(og á þó að dveljast hjer);  
því jeg er bringubrotinn —  
úr bjarginu hrundi að mjer.

---



## SKRÚÐURINN.

Austast fyrir öllu landi  
af einhverjum veit eg stað,  
fjalleyju grænni og góðri,  
geti þið, hver muni það.

Hún heitir Skrúður og skýlir  
skrúðsbónda, öldnum hal;  
úti fyrir Fáskrúðsfirði  
þú finnur það eyjarval.

Og hvenær sem jeg hugsa  
um hrútin og þækilinn:  
mjer er sem jeg sjái hann Gísla  
og hann sjera Ólaf minn.

---

 SUÐURSVEIT.

Suðursveit er þó betri,  
enn Seltjarnarnesið var:  
taðan er töluvert meiri  
og tunglið er rjett eins og þar.

Hitinn úr hófi keyrir,  
 en honum uni eg þó;  
 börnin hjer bograst í skuggann  
 og blaðra sem hvolpar í mó.

Og bæjardyra bustin  
 ber um, hvað margt sje fjeð:  
 sex þúsund sauðarleggi  
 er Sigfús minn búinn með.

---

#### HESTKLETTUR.

Meðan Hestklettur heldur  
 og hinu megin er ás  
 og bandi bundið á milli,  
 er brú yfir þessa rás.

Jökulsárnar, þær æða  
 ofan á löndin sljett,  
 og velta eins og vitlaus skepna  
 votan framan um klett.

En Jóni tókst í Tungu  
að tölta yfir þessa geil:  
bandspotta batt hann þar yfir um,  
bóndinn, og kallar það seil.

---

### SOGIÐ.

Við Sogið sat eg í vindi,  
sækaldri norðanátt,  
og þótti þurleg seta,  
þar var af lifandi fátt.

En sólin reis hin sæla,  
sveipaði skýjum frá;  
upp komu allar skepnur  
að una lífinu þá.

Og svo var margt af mýi —  
mökk fyrir sólu ber —  
að Þórður sortnaði sjálfur  
og sópaði framan úr sjer.

---

## ARNARFELLSJÖKULL.

Upp undir Arnarfelli  
allri mannabyggð fjær —  
það er eins satt og jeg sit hjer —  
þar sváfu Danir í gær.

Og er þeir fóru á fætur  
fengu þeir eld sjer kveikt,  
og nú var setið og soðið  
og sopið og borðað og steikt.

Ókunnugt allt er flestum  
inn um þann fjalla geim;  
þeir ætluðu að segja oss eitthvað  
af Arnarfellsjökli þeim.

---

 RJETTARVATN.

Efst á Arnarvatnshæðum  
opt hef eg fáki beitt;  
þar er allt þakið í vötnum,  
þar heitir Rjettarvatn eitt.

Og undir norðurásnum  
er ofurlítil tó,  
og lækur líður þar niður  
um lágan Hvannamó.

Á öngum stað eg uni,  
eins vel og þessum, mjer;  
ískaldur Eiríksjökull  
veit allt, sem talað er hjer.

---

#### TÓMASARHAGI.

Tindrar úr Tungnajökli :  
Tómasarhagi þar  
algrænn á eyðisöndum  
er einn til fróunar.

Veit eg áður hjer áði  
einkavinurinn minn —  
aldrei ríður hann optar  
upp á fjallhagann sinn.

Spordrjúgur Sprengisandur  
og spölur er út í haf;  
hálf leið hugurinn ber mig —  
það hallar norður af.

---

## VESTMANNAEYJAR.

---

Veit eg út í Vestmannaeyjum  
verður stundum margt í leyni.  
Sjeð hef eg þar setið vera  
Sigmundar á votum steini.

Hárið sitt af höfði drýpur  
hafmeyjar í fölu bragði;  
augum snjeri hún upp að landi  
og á brjóstið hendur lagði.

Viti menn, að voga meyjjar  
vondar sízt eru drauga-skottur!  
Sat hjá henni í síðum klæðum  
sjera Jón minn píslarvottur.

Sungu þau bæði sætt og lengi,  
svo mjer yndi var að heyra;  
lagið var sem lagar gjálfur,  
lagði eg við það sólgíð eyra.

Þar var margt um Tyrkjann talað;  
tókst svo bæn, sem nú er vandi:

“Vísaðu leið, og flyttu, faðir!  
friðsamlega sjófarandi.”

Bissumaður í bragði dimmur  
bjóst þá til að skjóta í leyni;  
selir honum sýndust móka  
Sigmundar á votum steini.

Um það var svo kveðið:

Selur sefur á steini,  
svartur á brún og brá,  
dindill aptan á;  
maður lá í leyni.

Höfuðið hæfa vildi,  
hokinn bak við stein  
skaut og hátt við hrein  
gæfumaðurinn gildi.

Haldi þið ekki hann hitti?  
Hinn fór samt á stað,  
er kúlan kom honum að —  
á dindilinn frá eg hún dytti.

---



## EINBÚINN\*.

---

Yfir dal, yfir sund,  
yfir gil, yfir grund  
hef eg gengið á vindljettum fótum;  
eg hef leitað mjer að,  
hvar eg ætti mjer stað,  
út um öldur og fjöll og í gjótum.

En eg fann ekki neinn,  
eg er orðinn of seinn,  
þar er alsett af lifandi og dauðum;  
eg er einbúi nú  
og á mjer nú bú  
í eldinum logandi rauðum.

---

\*) Þessar tvær vísur eru líklega í einhverju sambandi við kvæðin, sem kölluð eru "Á sjó og landi."

---

## GRENIÐ.

(BROT.)

—

Komið er að dyrum,  
 kallað er úti,  
 skotmaður spyr:  
 Er skolli heima?  
 Lambsfót sje eg liggja  
 og legg úr sauði,  
 ræfil af rjúpu —  
 reiður er eg þjer!

TÓA (inni fyrir):

Heima segi eg mig,  
 heill og sæll vinur!  
 gestur hinn göfugi,  
 gakk nú til stofu.  
 Dyr eru lágar,  
 dimmt er í húsi  
 fáraðs frumbýlings;  
 fyrirgefðu það!

## SKOTMAÐUR:

Út er að ganga  
 og undir renna  
 vopn voveifleg  
 og að velli falla;  
 báðu mig bændur  
 belg þinn að hrjá  
 og blóðdrekki  
 að bana verða.

## TÓA:

Annt er mjer inni  
 í ofan hrundum  
 urðar hóli  
 orpnum moldu;  
 margs ber að gæta  
 móður ungri —  
 sona fjögra  
 og sex dætra.

Ein sit eg inni  
 og annast hlýtt

kaflaðna hvolpa  
í krá dimmri;  
hlaupa þeir um holur,  
hrökklast þeir í gjótur,  
steðja þeir um steina,  
stunda á útkomu.

Höfuðlaust heita  
heimili má,  
er bóndinn er  
á brottu genginn;  
rann refur minn  
til rjúpna veiða,  
búi sínu  
bjargir að fá.

---

## BROT.

---

Svo rís um aldir árið hvert um sig,  
eilífðar lítið blóm, í skini hreinu;  
mjer er það svo sem ekki neitt í neinu,  
því tíminn vill ei tengja sig við mig.

Eitt á og samt, og annast vil eg þig,  
hugur mín sjálfs í hjarta þoli vörðu,  
er himin sjer og unir lágri jörðu  
og þykir ekki þokan voðalig.

Eg man þeir segja: “Hart á móti hörðu” —  
og heldur vil eg kenna til og lifa,  
og þótt að nokkurt andstreymi jeg bíði,  
enn liggja eins og leggur upp í vörðu,  
sem lestastrákar taka þar og skrifa  
og fylla, svo hann finnur ei, af níði.

---

## BROT.



Hví skyldi jeg ei vakna við  
og verki tömu sinna?  
Veit jeg, að stuttri stundarbið  
stefin mín öngvir finna;  
en fyrst þú gæzt svo góðs til mín  
get eg þá sleppt að minnast þín,  
ættprýði mín og minna!

Man eg þá nefndi máttarbaðm  
mætan, er geði ljúfu,  
þegar hún hvarf í föðurfaðm,  
flugmóða varði dúfu;  
hann hefur blessað barnið sitt —  
blómin þín skríða landið mitt,  
þegar jeg bý í þúfu.

---

## BROT.



Ljós er alls upphaf,  
ekkert er hjart,  
ljóstær er þeirra  
lífs uppspretta;  
upphaf er ekkert,  
ekkert er nótt,  
því brennur nótt  
í björtum ljóma.

Ó mikli guð!  
ó megn hörmunga!  
ekkert að ending —  
eilífur dauði .....  
sálin mín blíða!  
berðu hraustlega,  
sárt þó sýnist,  
sanninda ok.

Eilífð á undan  
og eptir söm  
orðin að öngu  
og .....  
það getur þjer augu  
þvegið hrein,  
ljós veitt og láð(?)  
og litu góða.

---



## BROT.



Jeg veit það eitt, að enginn átti  
aðra eins móður, feðra gróða  
safnaði guð, af ástar efni  
aldin spratt og feðra valdi;  
svo er orðin í Eyjafirði  
ættin mín, að frændur þína  
lengi mun, meðan lífið yngist,  
landið kjósa sjer að hrósi.

Jeg þakka þjer allt, og enn þótt ekki ....



## BROT.

Þar sem háir hólar  
 hálfan dalinn fylla,  
 þar sem hamra hilla  
 hlær við skini sólar:  
 árla fyrir óttu,  
 enn þá meðan nóttu  
 grundin góða ber  
 græn í faðmi sjer .....

## BROT.

Ó þú jörð, sem er  
 yndi þúsunda,  
 blessuð jörð, sem ber  
 blómstafi grundar,  
 sárt er að .....

## BROT.



Suður fór eg um ver,  
en eg svarna ber  
öflga eiðstafi  
úr úthafi:  
munarmyndum  
mjög þótt yndum,  
heimrof mig finni  
hjá Huldu minni.

Þar er barmi blíður  
og blómafríður  
runnur í reit,  
er eg rökkri sleit;  
dalur, sól og sær  
og systur tvær,  
einka-móðir  
og ástvinir góðir.

Þar er búþegn beztur  
bóndi og prestur,  
til þess tel eg vottinn,  
trúir enn á drottinn  
og á sjálfan sig,  
svo sem eg á mig;  
þar er líf í landi  
og ljóshæfur andi.

---

## HULDULJÓÐ.

(BROT.)



Skáld er eg ei, en huldukonan kallar  
 og kveða biður hyggjuþungan beim;  
 mun eg því sitja, meðan degi hallar  
 og mæddur smali fjenu kemur heim,  
 þar sem að háan hamar fossinn skekur  
 og hulduþjóð til næturiðju vekur.

Þrumi eg á bergi, þýtur yfir hjalla  
 þokan, að hylja mig og kaldan foss;  
 nú skal úr hliðum hárra Tinnufjalla,  
 svo huldumeyjar þægan vinni koss,  
 óbrotinn söngur yfir dalinn líða  
 eins og úr holti spóaröddin þýða.

Þú, sem að byggir hamrabýlin háu,  
 hjartanu mínu alla daga kær,  
 sólfagra mey, djúpt undir bergi bláu!  
 bústu að sitja vini þínum nær;

döggssvalur úði laugar lokkinn bleika,  
ljós er af himni, næturmyndir reika.

Hvers er að dyljast? Harna sinna þungu;  
hlægja þeir öld, er ræður þeim ei bót.  
Hvers er að minnast? Hins, er hverri tungu,  
huganum í svo festa megi rót,  
ætlanda væri eptir þeim að ræða,  
sem orka mætti veikan lýð að fræða.

Að fræða! Hver mun hirða hjer um fræði?  
Heimskinginn gjörir sig að vanaþræl:  
gleymd eru lýðnum landsins fornu kvæði;  
leirburðarstagl og holtaþökuvæl  
fyllir nú breiða byggð með aumlegt þvaður,  
bragðdaufa rímu þylur vesall maður.

Háðungar orð, sem eyrun Huldu særa,  
ei skulu spilla ljóði voru meir;  
sendið þjer annan, sanninn heim að færa  
söngvurum yðar, Njörður, Þór og Freyr!  
og hver sá ás, sem ata þeir í kvæði,  
eirðinni gleymi og hefni sín í bræði.

Sólfagra mey! eg sje — nú leit minn andi  
þanns seglið vatt í byrnum undan skor  
og aldrei síðan aptur bar að landi.

Eggert! ó hyggstu nú að leita vor?

Marblæju votri varpar sjer af herðum  
vandlætishetjan, sterkum búin gerðum.

Hvað er í heimi, Hulda! líf og andi,  
hugsanir drottins sálum fjær og nær,  
þar sem að bárur brjóta hval á sandi,  
í brekku þar sem fjallaljósið grær,  
þar sem að háleit hugmynd leið sjer brýtur?  
Hann vissi það, er andi vor nú lítur.

Ó Eggert! þú varst ættarblóminn mesti  
og ættarjarðar þinnar heill og ljós;  
blessuð sú stund, er fót hann aptur festi,  
á frjórri grund við breiðan sævarós.  
Sólfagra mey! hann svipast um með tárur,  
saltdrifin hetja, stigin upp af bárum.

Hví er hinn sterki úr hafi bláu genginn  
á hauður, sem í nætur faðmi þreyr?

Veit eg, að, þegar værðin góða er fengin,  
vinirnir gleyma að birtast framar meir;  
ó hve hann hefur eptir þráð að líta  
ástarland sitt með tignarfaldinn hvíta.

Tárperlur hjartar titra þjer í augum,  
tindra þær gegnum fagurt lokkasafn,  
sólfagra mey! því sjónar þinnar haugum  
sjeður er aldrei kappi þessum jafn.  
Þú elskar, Hulda! Eggert, foldar blóma,  
ættjarðar minnar stoð og frænda sóma.

Ó Eggert, hversu er þinn gangur fagur!  
útivist þín er vorðin löng og hörð;  
kær er mjer, faðir! komu þinnar dagur;  
hann kyssir, Hulda! þína fósturjörð.  
Sólfagra mey! hann svipast um með tárur,  
saltdrifið hetja, stigin upp af bárum.

Þú elskar hann — þess ann eg honum glaður,  
ástin er rík og þú ert hennar dís;  
hjer vil eg sitja, hjer er okkar staður,  
ó Hulda! þar til sól úr ægi rís.



Hallaðu lokka-höfði hjarta þínu,  
mín Hulda kær! að vinarbrjósti mínu.

Hann svipast um. Nú sefur allt í landi:  
svæft hefur móðir börnin stór og smá —  
lífil í haga, hrafn á klettabandi,  
hraustan á dúni, veikan fjölum á.  
Hann svipast um í svölum næturvindi  
um sund og völl að háum fjallatindi.

Hallaðu lokka-höfði hjarta þínu  
að hjarta mjer, sem nú er glatt og traust;  
hallaðu þjer nú hægt að brjósti mínu;  
hann hefur ekki starfað notalaust!  
seint og að vonum svo fær góður njóta  
sín og þess alls er vann hann oss til bóta.

Hann líður yfir ljósan jarðargróða,  
litfögur blóm úr værum næturblund  
smá-líta upp að gleðja skáldið góða,  
gleymir hann öðru og skoðar þau um stund:  
nú hittir vinur vin á grænu engi:  
“Velkominn, Eggert! dvelstu með oss lengi!”

## EGGERT:

“Smávinir fagrir, foldarskart,  
 fífill í haga, rauð og blá  
 brekkusóley! við mættum margt  
 muna hvert öðru að segja frá.  
 Þrýði þið lengi landið það,  
 sem lifandi guð hefur fundið stað  
 ástarsælan, því ástin hans  
 alstaðar fyllir þarfir manns.

Vissi eg áður voruð þjer,  
 vallarstjörnur um breiða grund!  
 fegurstu leiðar ljósin mjær,  
 ljek eg að yður marga stund:  
 nú hef eg sjóinn sjeð um hrið  
 og sílalætin smá og tíð —  
 munurinn raunar enginn er,  
 því allt um lífið vitni ber.

Faðir og vinur alls, sem er!  
 annastu þenna græna reit;  
 blessaðu, faðir! blómin hjer,  
 blessaðu þau í hverri sveit.

Vesalings sóley! sjerðu mig?  
 Sofðu nú vært og byrgðu þig;  
 hægur er dúr á daggarnótt;  
 dreymi þig ljósið, sofðu rótt!

Smávinir fagrir, foldarskart!  
 finn eg yður öll í haganum enn;  
 veitt hefur Fróni mikið og margt  
 miskunar faðir; en blindir menn  
 meta það aldrei eins og ber,  
 unna því lítt sem fagurt er,  
 telja sjer lítinn yndis-arð  
 að annast blómgaðan jurtagarð.”

Hulda! hví grípa hendur þínar ljósu  
 um hendur mjer, og hví svo viknar þú?  
 Veit eg þú elur eyrar fagra rósu,  
 alsett er rauðum blómum Huldu bú;  
 Eggert er þjer um ekki neitt að kenna,  
 annast hefurðu fjallareitinn þenna.

Sjáðu! enn lengra svífur fram um völlu  
 svosúðleg mynd úr ungum blómareit,

sterkur og frjáls og friður enn að öllu  
 Eggert að skoða gengur byggða sveit;  
 hann fer að sjá, hve lífi nú á láði  
 lýðurinn uni, sá er mest hann þráði.

Brosir við honum bærinn heillagóði,  
 í brekkukorni, hreinn og grænn og smár —  
 þar hefur búið frændi hans með fljóði  
 í flokki ljúfra barna mörg um ár;  
 þar hefur sveita-sælan guðs í friði  
 og sóminn aukizt glöðu bæjarliði.

Þar hefur gjörzt að fullum áhrínsorðum  
 allt, sem hinn vitri bóndavinur kvað  
 um dalalíf, í Búnaðarbálki forðum, —  
 um bóndalíf, sem fegurst verður það.  
 Sólfagra mey! nú svífur heim að ranni  
 sæbúinn, líkur ungum ferðamanni.

\*

\*

\*

SMALI

fer að fje og kveður:

Það var hann Eggert Ólafsson,  
ungur og frár og vizkusnjall,  
stóð hann á hauðri, studdur von —  
stráunum skýldi vetrarfall;  
meðan að sól í heiði hló,  
hjúkraði laukum, eyddi snjó,  
kvað hann um fold og fagra mey  
fagnaðarljóð, er gleymast ei!

Kvað hann um blóma hindarhjal  
og hreiðurbúa lætin kvik,  
vorglaða hjörð í vænum dal  
og vatnareyðar spordablik;  
þó kvað hann mest um bøndabæ,  
er blessun eflir sí og æ,  
af því að hjónin eru þar  
öðrum og sjer til glöðværðar!

Það var hann Eggert Ólafsson,  
allir lofa þann snilldarmann,

Ísland hefur ei eignast son  
 öflugari stoð nje betri enn hann;  
 þegar hann sigldi sjóinn á  
 söknuður vætti marga brá  
 nú er hann kominn á lífsins láð  
 og lifir þar sæll fyrir drottins náð.

#### NIÐURLAG.

Sólfagra mey! nú seilist yfir tinda  
 úr svölum austurstraumum roði skær;  
 nú líður yfir láð úr höllu vinda  
 ljettur og hreinn og þíður morgunblær;  
 svo var mjer, Hulda! návist þín á nóttu,  
 sem nú er ljósið jörð á votri óttu.

Vertu nú sæl! þótt sjónum mínum faliu  
 sjertu, jeg alla daga minnist þín;  
 vertu nú sæl! því dagur fyllir dalinn,  
 dunandi fossinn kallar þig til sín;  
 hann breiðir fram af bergi hvítan skrúða,  
 bústaður þinn er svölum drifinn úða.

Vertu nú sæl! Því sólin hálsa gyllir  
og sjónir mínar hugarmyndin flýr;  
ó Hulda kær! er fjöll og dali fyllir  
fjölbreyttu smíði, hvar sem lífið býr  
og dauðinn, sem að svo þig löngum kallar  
sá er þig aldrei leit um stundir allar.

---

KVÆÐI EPTIR *HORATIUS*.

I\*.

*(CUR ME QUERELIS.)*

Hví með sárum þú  
sorgar tölum  
dapran dauða  
dregur mjer um höfuð?

Era það goða  
nje mín eigin vild,  
að þú mjer fyr úr heimi hallist,  
Mesenas!  
minn mikli sómi,  
vernd og styrktar stoð.

Hálft hjarta mitt!  
hrífi þig á braut  
skjótar skapadægur,

---

\*) Þessu kvæði hefur Jónas snúið áður enn hann sigldi.



hve um skerður  
 þann skilnað lifa  
 minnur ástsæll mág.

Ótrúan eið  
 hef eg ei svarið:  
 er þú burtu býst,  
 förum og förum  
 fúsir ganga  
 helveg að hlið vini.

Era sá vættur,  
 er mig af þjer slíti —  
 svo hafa okkur sköp á skilið —  
 ekki eldgálkn  
 eða, upp þótt rísi,  
 hundraðhentur þuss.

---

## II\*.

*(QUIS MULTA GRACILIS.)*


---

Hver er hinn ungi  
 ilmsmurði sveinn,  
 er á rósareit,  
 ríkum og mjúkum,  
 faðmar þig fast,  
 undir fögrum skúta,  
 svölum og sælum?  
 seg mjer það, *Pyrrha!*

Lokka ljósgula  
 leysir þú honum,  
 skemmtunar skoðun,  
 skart þitt óbrotið.  
 Ó, hve optlega  
 ástir rofnar  
 og gremi goða  
 hann gráta skal!

---

\*) Prent. í Fjölni 1845 á 26. bls.

Dynjandi dröfn  
 fyrir dimmum vindi  
 undrast hann, úfnum  
 óvanur sjó,  
 sá er nú nýtur  
 náveru þinnar  
 og gulli hreinni  
 þig getur vera.

Einum hann vonar  
 þú unir sjer  
 æ, og aldregi  
 öðrum sinnir;  
 veit hann víst eigi,  
 að veður hvikult  
 skamma stund skipast  
 í skýlopti.

Aumir eru allir,  
 óreynd er þú  
 ástar alglæst  
 í augu gengur.

Forðað hef eg feigu  
fjörvi mínu,  
sem á hám, helgum  
hofsvegg má sjá.

Hangir þar heitspjald  
hermandi svo:  
að eg efnt hafi  
upp að festa  
sjóföt mín samtöld,  
salti drifin,  
drottnei djúps  
til dýrðar ríkum.

---

# ÚR KVÆÐUM OSSÍANS \*.

Hvert ertu hniginn  
af himinstöðvum,  
gullhærði röðull!  
og götum blám?  
Nú hefur vestur  
votum hjörum  
svefngrindum snúið  
og sæng þjer gjörva.

Velta öldur  
at veðhlaupi,  
fýsast þig allar  
fyrstar um sjá;  
hægt þær hefjast,  
með hafriðu,  
og halla höfðum  
að helgri sjón.

---

\*) Þessu broti snjeri Jónas meðan hann var í skóla.

Fagurt er að líta  
 á ljóss geislum  
 hvílu hafða,  
 hægt blundandi  
 brosfagra sól,  
 bregður öldum,  
 bráð er burtför,  
 brennur ísgrá kinn.

Fellur þá faldur  
 hinn fagurreiði  
 hallur af höfði  
 hafibornri mey;  
 þýtur í flótta  
 þrungen mæði,  
 felmtuð áður felst  
 í faðmi móður.

Blunda þú vært  
 í blæjum svölum,  
 ylsköpuður!  
 und unnum blám;

hafin er höll þín,  
hvíllir þögn yfir,  
en aldin værð vakir  
að vjedyrum.

Heim sje eg hverfa  
á himinásun,  
daprar eru stjörnur;  
dagsbrún veldur;  
nú muntu ljósfari  
á lopt um stigin;  
leiddu þá und armi  
unað — hár glóa.

---

## LOFSÖNGUR \*.

KVÆÐI EPTIR C. FRIMAN.

Líti eg um loptin blá  
 skýin, sem sigla fram silfurglitaðan boga,  
 hálf tungls gullnu hornin á,  
 herinn stjörnu, þann tindrandi loga,  
 þrungna þrumu heimkynnið,  
 þar sem að skruggan skæð skekur dunandi hamar,  
 rekur fjalli högg á hlið,  
 hittir skóginn og stórviðu lamar:

:|: Þú ert mikill, hrópa eg hátt,  
 himna guð! eg sje þinn mátt;  
 fyrir þinni hægri hönd  
 hnígur auðmjúk í duptið mín önd. :|:

Líti eg langt um út þönd höf,  
 þar er skjótskipa mergð skundar vængjuðum húnum.  
 sökkur djúpt í sjáfar gröf,  
 sjest svo aptur á aldnanna brúnum,

---

\*) Þessu kvæði hefur Jónas snúið áður enn hann sigldi.



þar er sje eg sverðfiskinn,  
 hnúðurbak, hrosshvelið hart við stökkulinn glíma,  
 þar er flögurflokkurinn  
 ferðast rjettum á vegi og tíma:

∴ Þú ert mikill, hrópa eg hátt,  
 hafsins guð! eg sje þinn mátt;  
 sjór og hvað þar inni er  
 órækt vitni um guðdóm þinn ber. ∴

Líti eg liljum skrydda jörð,  
 skoði eg skóg og strönd, skoði eg dali og fjöllin;  
 skoði eg bugðu breyttan fjörð,  
 breiðar elsur og vatnsbunu föllin,  
 skoði eg skepnu fjöld ótal,  
 allt frá þeim ormi, sem undir daptinu skríður,  
 yfir fjeð í fögrum dal  
 fjær til himins þar beinfleyg örn líður:

∴ Þú ert mikill, hrópa eg hátt,  
 heimsins guð! eg sje þinn mátt;  
 lofið himnar, haf og jörð  
 hann, hvers mætti þið af eruð gjörð! ∴

---

**BROT ÚR ABELS DÖD**  
**EPTIR PALUDAN-MÜLLER.**

---

Uppi stóð Kain  
 og á hlýddi  
 grama guðs dóma,  
 glataður, rekinn,  
 útskúfaður einn  
 öllum í heimi  
 skalf hann og skarst hann  
 og skyggndist um  
 og á frám fótum  
 flótta sinn hóf.

En á græna  
 grundar hvílu  
 bleikur bróðir  
 var í blóð hniginn :  
 Abel að annast  
 ástúðleg kom  
 móðir manns sona  
 mjúkhent sjúkan.

Álengdar hún sá,  
 að upp lypti  
 hjartkærstum syni  
 hennar í móti  
 heiptar hendi  
 hárri bróðir;  
 að kom þar Eva,  
 er hann öndu sleit.

Farið er fjörvi —  
 fagur titrar  
 ungur ástarson,  
 andar þungan;  
 rennur rautt blóð  
 úr rofnum vanga,  
 lokki ljósgulum  
 lit festir á.

---

ÚR *ALADDIN* \*  
EPTIR *OELENSCHLÄGER*.

---

Bíum, bíum,  
barnið góða!  
sofðu nú sætt  
og sofðu lengi,  
þó að höll  
og hægindislaus  
og grafkyr  
í grundar skauti  
vagga þín standi;  
vertu í ró!

Heyrirðu stynja  
storminn úti  
yfir mínum  
missi þunga

---

\*) Prent. í Fjölni 1847 á 16. bls.

og átfreka  
 yrmlinga fjöld  
 furukistu  
 kroppa þína.

Nú kemur hinn hljóðfagri  
 næturgali,  
 heyrirðu mjúkan  
 munaðar kliš?  
 Var það áður  
 er þú vaggaðir mjer,  
 nú skal eg, veslingur!  
 vagga þjer aptur.

Hresstu huga þinn  
 hans við söng;  
 allt skal eg þjer  
 til yndis velja;  
 heyrirðu dimma  
 við dauðans hlið,  
 barn mitt! hringja  
 bjöllu þína?

Sje ei hjarta þitt  
 hart sem steinn,  
 sjáðu móðir  
 mína iðju :  
 eg skal af grátviðar  
 grein þessari  
 hljóðpípu smíða  
 handa þjer.

Hresstu hug þinn  
 við hennar róm,  
 er hún einmana  
 úti kvakar,  
 eins og vindur  
 á vetrar nótt  
 villur vakandi  
 í votum greinum.

Verð eg að víkja  
 vöggu þinni frá ;  
 kalt er að búa  
 við brjóst þitt, móðir !

og eg á mjer  
ekkert hæli  
aptur að verma  
inni mig.

Bíum, bíum, o. s. frv.

---

KOSSAVÍSUR\*.  
(EPTIR *CHAMISSO*).

---

Ljúfi! gef mjer lítinn koss,  
lítinn koss af munni þínum!  
Vel eg mjer hið vænsta hnoss,  
vinur! gef mjer lítinn koss!  
Ber eg handa báðum oss  
blíða gjöf á vörum mínum.  
Ljúfi! gef mjer lítinn koss,  
lítinn koss af munni þínum!

Leikur kossa lipur er,  
lætur þeim, er á kann halda,  
listin sú ei leiðist mjer,  
leikur kossa fimur er,  
einatt reyni eg það hjá þjer —  
þiggja, taka, endurgjalda.  
Leikur kossa lipur er,  
lætur þeim, er á kann halda.

---

\*) Prent. í Fjölni 1844 á 31. bls.



Vinur! gef mjer enn þá einn  
 ástarkoss af ríkum vörum!  
 einn fyrir hundrað, ungur sveinn!  
 einn fyrir þúsund — rjettan einn!  
 einn enn! þú ert ofur seinn,  
 eg er betur greið í svörum.  
 Vinur! gef mjer enn þá einn  
 ástarkoss af ríkum vörum!

Rjett sem örskot tæpur telst  
 tíminn mjer við kossa þína;  
 tíminn, sem eg treindi helzt,  
 tæplega meir enn örkot dvelst,  
 sárt er að skilja, gráti gelzt  
 gleðin — þiggðu kossa mína!  
 Rjett sem örskot tæpur telst  
 tíminn mjer við kossa þína.

Kossi föstum kveð eg þig,  
 kyssi heitt mitt eptirlæti,  
 fæ mjer nesti fram á stig —  
 fyrst jeg verð að kveðja þig.

Vertu sæll! og mundu mig,  
minn í allri hryggð og kæti!  
Kossi föstum kveð eg þig,  
kyssi heitt mitt eptirlæti.

---

KVÆÐI EPTIR *SCHILLER*.

—

## 1.

## DAGRÚNARHARMUR \*.

Heyri eg að kirkju  
 klukkur dimm-gjalla,  
 vísir er runninn  
 vegu sína alla.  
 Sje það svo — sje það  
 svo, í guðs nafni!  
 líkmenn! leiðið mig  
 á legstað aftöku.

Kveð eg yður, geislar  
 guðs sólar!  
 flý eg yður frá  
 í faðm dimmrar móður:

---

\* ) Prent. í Fjölni 1843 á 26. bls.

kveð eg þig, blómæfi  
 blíðra ásta!  
 mey sem margblindar  
 munaðs töfrum.

Kyssi eg þig hinstum  
 kossi skilnaðar,  
 veröld! ó veröld!  
 væti eg þig tárur;  
 sætt var eiturr þitt,  
 er það nú goldið,  
 eiturbýrta  
 ungra hjartna!

Sat eg fyrir hvíthúin  
 sakleysis klæði,  
 rauðum reifuðu  
 rósa böndum;  
 brostu í ljósu  
 lokka safni  
 fögur blóm;  
 þá voru friðardagar.

Hræðilegt, hræðilegt!

helvítis fórn

situr enn í hvítu

sakleysis klæði;

en, í hinna rauðu

rósa stað,

hrafnsvarð líkband

er að höfði snúið.

Grátið mig, meyjar,

er guð veitti

sakleysis

síns að gæta,

er hin mikla

móðir ljeði

afl til að kefja

ólgu veiks hjarta.

Mannlega hræðist

hjarta mitt áður;

nú skal mjer blíða þess

banasverð vera.

Fláraðum manni  
 í faðm eg hneig;  
 dó þar Dagrúnar  
 dyggð í tómi.

Nú er eg úr höggorms  
 hjarta slitin  
 þess, er aðra  
 ástum glepur;  
 veit eg hann brosir  
 og veigar kýs,  
 meðan eg geng  
 til grafar minnar.

Leikur hann að lokkum  
 ljósrar meyjár  
 kjassmáll og kyssir  
 og kossa þiggur,  
 meðan að bunar  
 blóð mitt unga  
 á hörðum höggstokki  
 hálsbenjum úr.

Friðþjófur fagri!  
 á fjarlægri strönd  
 duni þjer Dagrúnar  
 dauða hljómur,  
 gjalli ógnefðar  
 um eyru þjer  
 söngdimmar bjöllur  
 úr sálarhliði —

Svo, er af mjúkum  
 meyjjar vörum  
 ástar orð  
 þjer unað færa,  
 særi hann harðri  
 helvítis und  
 yndis blóm ykkar,  
 svo öll þau hjaðni.

Hrærir þig að engu  
 harmur Dagrúnar?  
 svívirt meyjja?  
 svikarinn vondi!

barn okkar beggja?  
 eg ber það undir hjarta —  
 allt sem vargs vanga  
 væta mætti tárum.

Siglir hann, siglir —  
 svífur skip frá landi,  
 grátþrotin augu  
 grimmum manni fylgja;  
 fláraður heilsar  
 á fjarlægri strönd  
 heitmey nýrri.  
 Svo er hjörtum skipt.

Barnunginn blíði  
 bjó á móður skauti  
 ástfalinn ungri  
 algleymis-værð;  
 brostu björt augu  
 bláfögur móti  
 móður augum  
 morgunrósar.



Og ástfagur  
 allur svipur  
 auma margminnti  
 á mynd hins horfna;  
 varpar hann í brjóst  
 vesalli móður  
 ástar óviti  
 og örvæntingar.

“Herndu mjer, kona!  
 hver er faðir minn?”  
 svo spyr hin þögla  
 þrumurödd ómálgans.  
 “Herndu mjer, kona!  
 hver er maður þinn?”  
 Hló við helvíti  
 í hjarta mínu.

Skelfing! ó skelfing!  
 skal til háðungar  
 föðurlaus sonur  
 að föður spyrja?

Bölvu muntu  
 þínum burðardegi,  
 saurlífis sonur! —  
 ó svívirðu-nafn!

Brennur mjer í hjarta  
 helvítis glóð,  
 einmana móður  
 í alheimi víðum;  
 sit eg síðyrst  
 að sælu brunni,  
 er eg aldrei má  
 augum líta.

Æ! því eg blygðast  
 barn mitt að sjá;  
 rifjar upp rödd þín  
 raunir allar mínar,  
 barn! og úr blíðu  
 brosi þínu  
 hel-örvar harðar  
 á hjarta mínu standa.

Helvítis kvöl  
 er mjer hann að þrá;  
 vítiskvöl verri  
 verða þig að skoða;  
 vondir eru kossar  
 vara þinna,  
 hans er af vörum  
 mjer að hjarta streymdu.

Eiðar hans allir  
 í eyrum mjer hljóma —  
 meineiðar allir —  
 margfaldlega —  
 allir um eilífð! —  
 Andskotinn þá  
 þreif mjer þjófs hönd lífs,  
 að þjakaði eg syni.

Friðþjófur! Friðþjófur!  
 á fjarlægri strönd  
 elti þig vofan  
 hin ógurlega,

hrífi þig hvarvetna  
 helköldum greipum,  
 svipti þjer sárlega  
 úr sælu draumi!

Stari þjer í augu  
 úr stjörnu skínandi  
 helbrostið auga  
 hnigins sonar!  
 elti þig ógnmargt  
 um alheim víðan,  
 hneppi þig burtu  
 frá himindyrum!

Sjáið og skiljið!  
 sonur mjer að fótum  
 dauðsærður lá  
 og dreyra roðinn;  
 sá eg blóð blæða —  
 blæddi þá ei minnur  
 fjör úr æðum  
 fáraðrar móður.

Harðlega knúðu  
 hurðir mínar  
 dólgar dýflissu;  
 dimmt var mjer í hjarta;  
 flýtti eg mjer fegin  
 í faðmi dauða  
 sálar bruna  
 sáran að slökkva.

Friðþjófur fagri!  
 faðirinn góði,  
 mildur miskunar,  
 mannkindum vægir;  
 bið eg þann föður  
 þjer fyrirgefa,  
 syndum særð,  
 sem eg sjálf það vil.

Gefa vil eg jörðu  
 grát minn og harm,  
 hefnd mína alla  
 og hjarta-þunga.

Nú hef eg ljósan  
loga kyntan,  
fórn að færa  
sem eg fremsta má.

Vel er og vel er!  
vaðin eru loga  
brjef hans og eiðar  
eldi gefnir;  
hátt loga kossar  
heitir og sætir!  
Hvað var mjer á foldu  
forðum kærri!

Trúi þjer ei yðar  
æskublóma —  
aldregi, systur!  
eiðum manna.  
Fegurð varð að falli  
farsæld minni;  
bölva verð eg henni  
á blóðstöð aftöku.

Hvort er þjer nú, böðull!  
hungur í augum?  
Bregðið mjer bráðlega  
bandi fyrir sjónir.  
Hikarðu, böðull!  
blómknapp að slá?  
náfölur böðull!  
neyttu karlmennsku.

---

## II.

## MEYJARGRÁTUR \*.

Dunar í trjálundi, dimm þjóta ský —  
 döpur situr smámeyja hvamminum í;  
 bylgjurnar skella svo ótt, svo ótt —  
 öndinni varpar á koldimmri nótt  
 brjóstið af grát-ekka bifað.

“Heimur er tómur og hjartað er dautt,  
 helstirðnað brjóstið og löngunarsnautt.  
 Heilaga \*\*! kalla mig hjeðan í frá,  
 hef eg þess notið, sem jarðlífið á;  
 því eg hefi elskað og lifað.” —

„Tárin að ónýtu falla á fold,  
 fá hann ei vakið, er sefur í mold;

---

\*) Prent. í Fjölni 1843 á 34. bls.

\*\*) María, guðsmóðir.



segðu hvað hjartanu huggunar fær,  
 horfinnar ástar er söknuður slær —  
 guðsmóðir vill þjer það veita.“

“Tárin að ónýtu falli á fold,  
 fái’ hann ei vakið, er sefur í mold.  
 Mjúkasta hjartanu huggunin er,  
 horfinnar ástar er söknuður sker,  
 á harminum hjartað að þreyta.”

---

## III.

## ALHEIMSVÍÐÁTTAN\*.

—  
 Eg er sá geisli,  
 er guðs hönd skapanda  
 fyr úr ginnunga  
 gapi stökkti;  
 flýg eg á vinda  
 vængjum yfir  
 háar leiðir  
 himinljósa.

Flýta vil eg ferðum —  
 fara vil eg þangað,  
 öldur sem alheims  
 á eyði brotna,  
 akkeri varpa  
 fyrir auðri strönd  
 að hinum mikla  
 merkisteini  
 skapaðra hluta  
 við skaut alhimins.

---

\*) Prent. í Fjölni 1843 á 35. bls.

Sá eg í ungum  
 æsku blóma  
 stjörnur úr himin-  
 straumum rísa,  
 þúsund alda  
 að þreyta skeið  
 heiðfagran gegnum  
 himinbláma.

Sá eg þær blika  
 á baki mjer,  
 er eg til heima  
 hafnar þreytti;  
 ókyrrt auga  
 sást allt um kring —  
 stóð eg þá í geimi  
 stjörnulausum.

Flýta vil eg ferðum —  
 fara vil eg þangað,  
 ekkert sem ríkir  
 og óskapnaður;

leið vil eg þreyta  
ljóss vængjum á,  
hraustum huga  
til hafnar stýra.

Gránar í geimi —  
geysa eg um himin  
þoku þungaðan  
þjótandi fram;  
dunar mjer á baki  
dökknaðra sóla  
flug-niður allra,  
sem fossa deyjandi.

Kemur þá óðfluga  
um auðan veg  
mjer í móti  
mynd farandi:  
“Bíddu, flugmóður  
ferðamaður!  
Heyrðu! hermu mjer —  
hvert á að leita?”

„Vegur minn liggur  
 til veralda þinna;  
 flug vil eg þreyta  
 á fjarlæga strönd,  
 að hinum mikla  
 merkisteini  
 skapaðra hluta  
 við skaut alhimins.“

“Hættu! Hættu!  
 um himingeima  
 ónýtisferð  
 þú áfram heldur;  
 vittu, að fyrir  
 framan þig er  
 ómælis-undur  
 og endaleysa.”

„Hættu! Hættu!  
 þú sem hjer kemur,  
 ónýtisferð  
 þú áfram heldur;

belja mjer á baki  
bláir straumar,  
eilífðar ógrynni  
og endaleysa.“

Arnfleygur hugur!  
hættu nú sveimi;  
sárþreytta vængi  
síga láttu niður;  
skáldhraður skipstjóri,  
sköpunarmagn!  
fleini farmóður  
flýttu hjer úr stafni.

---

|KVÆÐI EPTIR *HEINE*.

## I.

## ÁLFAREIÐIN \*.

Stóð eg úti í tunglsljósi, stóð eg út við skóg —  
 stórir komu skarar, af álfum var þar nóg;  
 bljesu þeir á sönglúðra og bar þá að mjer fljótt  
 og bjöllurnar gullu á heiðskírri nótt.

Hleyptu þeir á fannhvítum hestum yfir grund —  
 hornin jóa gullroðnu blika við lund —  
 eins og þegar álpitir af ísa grárri spöng  
 fljúga suður heiði með fjaðrafyt og söng.

Heilsaði' hún mjer drottningin og hló að mjer  
 um leið,

hló að mjer og hleypti hestinum á skeið.

Var það út af ástinni ungu, sem eg ber?

eða var það feigðin, sem kallar að mjer?

---

\*) Prent. í Fjölni 1843 á 38. bls.

## II.

## NÆTURKYRRÐ \*.

—

Ganga gullfætt  
 um götur bláar  
 og læðast ljettfætt  
 ljósin uppsala;  
 varast smástjörnur  
 að vekja sofandi  
 foldina fögru  
 faðmi nætur í.

Hlustar hinn dimmi  
 Dalaskógur,  
 öll eru lauf hans  
 eyru grænlituð;  
 sefur nú Selfjall  
 og svarta teygir  
 skuggafingur  
 af Skeiðum fram.

---

\*) Prent. í Fjölni 1843 á 40. bls.



Hvað er það er eg heyri —  
hljómur ástfagur  
og blíðmælt bergmál  
í brjósti mínu?  
Eru það orð  
unnustu minnar  
eður sælla  
söngfugla kvak?

---

## III.

## STRANDSETAN \*.



Hvítur í lopti ljúfu  
líður í næturblæ  
már yfir myrku djúpi;  
máninn er hátt yfir sæ.

Hákarl úr hafi lítur  
og horfir upp að bæ;  
már yfir miði grúfir;  
máninn er hátt yfir sæ.

Sálin mín hvikula, kæra!  
þú kvíðir sí og æ;  
mundar-nær mari þú situr;  
máninn er hátt yfir sæ.

---

\*) Prent. í Fjölni 1843 á 39. bls.

## IV.

## MÁRINN FORVITNI.

---

Márin, hann vita vildi, hvað  
af vörum fögrum streymir þjer,  
þig er hann sjer á þessum stað  
þrýsta þeim fast að eyra mjer.

Márin flögrar við fjöruborð,  
forvitinn spyr hið ljósa kvöld:  
“Mundu það vera eintóm orð  
eða brennandi kossa fjöld?”

Sízt veit nú kára sálin mín,  
hvað svo mjer friðar hug og ged;  
orðin kossunum eru þín  
svo undarlega vaðin með.

---

## V.

Fegin í fangi mínu  
 felur þú augun þín;  
 þinn er eg himin og þú ert  
 þekkasta stjarnan mín.

Djúpt undir okkur yðar  
 ósnotur manna her,  
 aggast og æðir og blótar  
 og allt hefur rjett fyrir sjer.

Í flúlpum þeir flaksast  
 og finnast og allt í einu  
 hlaupast á eins og hrútar,  
 svo höfuðin verða ekki að neinu.

Sæl erum við í sóla  
 sali, þeim látum fjær;  
 þú hylur í himni þínum  
 höfuð þitt, stjarna mín kær!

---

## VI.

Berst mjer þá hjarta,  
 hugur er á reiki,  
 þá er mál munni  
 mínum horfið,  
 bláeyg, hjarteyg,  
 brosfögur mæ!r!  
 inndæl, ástúðleg,  
 er á mig lítur.

Augun þín blá ·  
 fyrir augum mjer  
 sædjúp og hrein  
 sí og æ standa;  
 bláöldur blíðastar  
 blárna drauma  
 hjartað mitt ungt  
 yfir haf bera.

## VII.

Hispursmey stóð við ströndu  
og stundi þungt og hátt;  
því sólin var að setjast  
við svala vesturátt.

Hispursmey, verið hressar!  
hjer á eg góð kann skil:  
röðullinn rennur frammi  
og rís hjer baka til.

---

## VIII.

## STRIT.

(BROT ÚR KVÆÐI.)  

---

Sól rís sæl  
úr svölum straumum  
austurdjúps,  
að eyða dimmu:  
leiðinda langverk  
á ljósgjafi:  
heimskan hnött  
úr húmi að slíta.

Er þú glöðum  
geislum hefur  
hálfan heim  
himni unnið  
og skundar skært  
skin margauka,  
æ og sí austræn  
þig eltir nótt.

Stritar við stein  
sterkur Sisýfus,  
dætra Danáu  
drýpur æ úr kerí.  
svo veltir sífelt  
sjer úr ljóma  
sjálfri fold  
í sorta nætur.

---



## IX.

Lán, er vilt ei láta mjer,  
leikinn vil eg skakka þjer —  
gríp eg þig með hörðum höndum,  
hertek þig og reyri böndum.

Fella skal eg ok þig á,  
erja og sveitast skaltu þá;  
loks úr mæddri mundu fellur  
mækir þjer; en und mjer svellur.

Blóðrás döpur mæðir mig,  
mitt á köldum banastig  
hlýtur að slokkna lífið ljósa;  
læzt eg í því eg sigri hrósa.

---

## X.

## KVEÐIÐ Í ÚTLEGÐ.

—

Hlegið var og sungið —  
 úr heiði skein,  
 ljek að ljósgeislum,  
 á legi sunna;  
 bárur fluttu bát  
 borða milli  
 vonglöðum varinn  
 vinum mínum.

Brotnaði bátur  
 á bermola;  
 var lítt lagið  
 lagsmönnum sund —  
 fórust þeir farvana  
 á fósturjörðu.  
 Sveif mig úr svaki  
 að Seinar strönd.

Nú er eg stigin  
á nýja súð,  
öðrum með ýtum;  
öldur mig bera,  
ókunnar allar,  
aptur og fram;  
harla fjær heimkynni  
að hjarta þröngvir.

Hlæjum enn og syngjum  
og á haf leitum!  
belja brimkviður,  
brakar í kili;  
slokknar á himni  
stjarnan seinasta;  
þröngvir að hjarta  
heimkynni fjær.

---

## XI.

Ómur allagur,  
ómur vonglaður,  
vorómur vinhlýr  
vekur mjer sálu;  
ljóðið mitt litla,  
ljettur vorgróði!  
lyptu þjer, leiktu þjer  
langt út um sveit.

Hljóma þar að húsum,  
er heiðfögur  
blómin í breiðri  
brekku gróa;  
lítirðu ljósasta  
laukinn þar,  
berðu, kært kvæði!  
kveðju mína.

---

## ILLUR LÆKUR eða HEIMASETAN\*.

FRUMKVEÐIÐ Á SPÁNSKU.

---

Lækur rennur í lautu,  
 liggur og til þín sjer:  
 allt af eptirleiðis  
 eg skal gá að mjer.

Nú fór illa, móðir mín!  
 mjer var það samt ekki að kenna;  
 sástu litla lækinn renna  
 græna laut að gamni sín,  
 breiðka þar sem brekkan dvín,  
 bulla þar og hossa sjer?  
 Vertu óhrædd! eptirleiðis  
 eg skal gá að mjer.

Lækur gott í lautu á,  
 leikur undir sólar brekkum,

---

\*) Prent. í Fjölni 1844 á 29. bls.

faðmar hann á ferli þekkom  
 fjóla gul og rauð og blá\*;  
 einni þeirra eg vil ná  
 og svo skvettir hann á mig.  
 Illur lækur! eptirleiðis  
 eg skal muna þig.

Klukkan mín, svo hvít og hrein,  
 hún er nú öll vot að neðan;  
 hefðirðu þá heyrt og sjeð 'ann,  
 hvernig ertnin úr honum skein;  
 jeg hef orðið ögn of sein,  
 og svo skvetti hann á mig.  
 Illur lækur! eptirleiðis  
 eg skal muna þig.

Lækur fer um lautardrag —  
 leikur sjer að væta meyna,  
 þegar hún stígur þar á steina;  
 það er fallegt háttalag!

---


\*) *Viola tricolor*, þrenningargras.

Jeg fer ekkert út í dag,  
uni, móðir góð! hjá þjer.  
Vertu óhrædd! eptirleiðis  
eg skal gá að mjer.

















LIBRARY OF CONGRESS



0 022 011 873 3